





大清宣統政紀卷三十五

宣統三年辛亥五月戊戌朔諭內閣貝勒載洵等奏謹陳現修

崇陵工程情形一摺知道了

現

己亥諭內閣前據御史瑞賢奏藩

司大員素行貪鄙當經諭令長庚確查茲據查明覆奏新疆藩

司王樹枏被參各節皆無實據惟素有吸煙之名用人亦間有

不當之處新疆布政使王樹枏著開缺調京查驗調補山西河

東道榮需署新疆伊塔道迪化府知府潘震據稱煙癮確已斷

淨著山西新疆巡撫隨時察看署迪化府准補莎車府知府劉

文龍雖無行賄買缺確據惟聲名平常操守難信著即行革職

借補迪化縣典史試用巡檢蔡世長承鑄金銀各幣顯有弊混

且係改名朦朧捐著革職永不敘用葉城縣知縣張應選屢膺要

缺衆論不孚著開缺察看

現

又諭陸軍部片奏期滿協領總

管引見時應否交陸軍部記名抑或交內閣記名等語著交內

閣記名

月現

又諭翰林院侍讀文華奏學堂畢業生授職請按

照所學科目分部補用一摺著內閣議奏

月現

又諭內務府奏

懇撥款項以濟急需一摺著度支部議奏

月現

以陳際唐為甘

肅新疆布政使

月現

派陸軍四十二協統領官蕭星垣充陸軍

第二十一鎮統制官並賞陸軍副都統銜禁衛軍步標統帶官

應龍翔充陸軍第二十九混成協統領官並賞陸軍協都統銜

月現 庚子

孝誠仁皇后忌辰遣官祭

景陵

事早

諭內閣署大理院少卿王世琪等奏湘路加抽各股請一

律停止一摺前因鐵路幹路改歸國有曾降諭旨停收川湘兩

省租股並飭將此外另立名目捐作修路之款查明請旨辦理

誠以閭閻困苦日甚一日鐵路既歸官辦凡因辦路累民之舉

大應即悉數蠲除俾得稍輕擔負茲據湖南京官聯名奏稱該省

路股除田租外尚有米捐鹽捐房捐各名目似此層層剝削不  
惟取之富戶且致擾及貧民儻不一律停收仍不足以示體恤  
詳閱該員等所奏頗能仰體朝廷德意俯察民生疾苦著即將  
湖南省所有因路抽收米捐鹽捐房捐各股與前項稅股概行  
停止其已收之款仍著郵傳部督辦鐵路大臣湖南巡撫恪遵  
前旨一併詳細查明妥擬辦法奏聞不使有絲毫虧損並著該  
撫刊刻謄黃再行曉諭毋任隱匿遲延以廣仁施而紓民力

現月

又諭都察院奏查明已革即選知府郎中文錦被參冤抑鈔  
咨呈覽一摺文錦著交吏部帶領引見

現月

又諭給事中石長

信片奏法律學堂乙班畢業請查照甲班成案量予變通等語  
著該部知道

現月

又諭給事中石長信奏皖省水患日深急宜

疏導一摺著該部知道

現月

又諭電寄張鳴岐據電奏桂軍一

律到粵當就主客各軍權衡緩急酌量分布並添募各營哨及

桂軍改編各營請飭部立案等語現在亂黨分布各處謠言未  
能盡息省外各屬亦時有土匪糾聚仍著該督嚴飭各營隨時

隨地嚴密查防切實勦捕毋得稍涉鬆懈

寄電

河南巡撫寶棻

奏豫省地廣兵單捕務緊要原有防營萬難裁汰下所司議

月現

以虧欠公款革已故河南中牟縣知縣郎益厚職提屬勒追

包摺

予故直隸道員袁保齡附入國史前漕運總督袁甲三傳

後

月現

予故兵部尙書徐用儀吏部侍郎許景澄太常寺卿袁

昶浙江省城專祠列入祀典由地方官春秋致祭從巡撫增韞

請也

包摺

辛丑諭內閣楊文鼎奏湖南諮議局呈稱湘路力能

自辦不甘借債據情代奏一摺鐵路幹路收歸國有業經定爲

政策明白宣示並飭將川湘兩省租股一律停止及將已收之

股妥籌辦法係因商辦幹路徒增民累朝廷爲減輕小民擔負

起見改定政策仍不使少有虧損在百姓當樂從之不暇豈有

反抗之理該省諮議局不免誤會所呈各節語多失實迹近要挾楊文鼎身任地方息事安民是其專責既經明降諭旨果能仰體朝廷愛民之意曉以利害剴切開導羣疑當不難盡釋乃於甫經決定政策竟率行代爲瀆奏殊屬不合著傳旨嚴行申飭昨又降旨飭將湖南省因路抽收之米鹽房各捐概行停止朝廷體恤民艱無微不至仍著該撫懷遵迭次諭旨一面切實勸諭一面會同妥籌辦法如有匪徒暗中鼓動致生事端即著從嚴懲辦倘再措置失宜釀成重案定惟該督是問現月又諭學部會奏設立中央教育會擬具章程繕單呈覽一摺又片奏會員所需旅費川資分別酌給等語均著依議現月又諭順天府奏申明順天警務權限請飭部立案一摺著該衙門知道現月又諭電寄楊文鼎電奏拏獲湘潭各處謀逆匪首就地正法墾將出力員弁歸入清鄉案內擇尤彙保等語上年逆首蔡白

華等在湘潭等處傳習邪教謀爲大逆曾經諭令嚴拏茲據該撫奏稱督飭文武跟踪訪緝一律就獲辦理尙屬妥協所有出力文武員弁不無微勞足錄著准其擇尤彙保毋許冒濫

寄電

又諭電寄張蔭棠據電奏墨國內亂華僑被害擬援光緒二十四年古巴封港成案請撥款賑卹等語著賞銀一萬兩由外務

部出使經費項下發給

寄電

壬寅諭內閣電寄增韞據電奏甯

波府城有游勇三人白晝搶劫經巡警拏獲方得勝解送檢察廳居民聚衆要求正法至審判廳滋鬧搗燬廳屋嗣由檢察廳將該犯送縣居民因該犯並未及時正法旋即搗搶米店該管道府等以該犯既係游勇隨營正法審判等廳以行政官不即知照違法侵權全體辭職等語查閱原奏前後情節甚屬支離著該撫飭派妥員迅速詳細查明實在情形另行電奏並飭屬認真彈壓毋任再生事端

寄電

吉林巡撫陳昭常奏遵查吉林



省城火災除署局外焚燬二千四百餘戶現經設立善後局籌辦賑撫事宜以該處水災疫患之後元氣久虧是以再請加撥的款以資撫恤得旨均照所請該部知道善後事宜仍須妥籌辦理

摺

包

雲貴總督李經羲奏滇蜀騰越鐵路隨糧認股民生

難支現擬酌量減收以紓民困下部查覈具奏尋郵傳部奏該督所奏各節係爲體恤民艱起見應准立案施行至徵收之法亦屬切實可行應即一併照准從之 廣西巡撫沈秉堃奏遵籌桂省綠防各營分別裁留綠營除留提督一員總兵二員參將二員其都司守備千總把總及馬步兵概行裁撤防營關係緊要不能再裁下部議

摺

包

癸卯諭內閣張英麟等奏山東南

境州縣被災甚劇重以江皖飢民紛擾懇恩頒發帑項舉辦速賑一摺山東連歲收歉物力困敝今春雨雪彌月農田被淹尤以兗沂曹三府濟甯州各屬爲最重小民流離困苦殊深憫惻

除前經孫寶琦籌銀五萬兩並電飭江皖籌賑大臣盛宣懷等撥銀二萬兩分投賑濟外著再賞銀三萬兩由度支部給發該撫迅即派委妥員切實查明散放以惠災黎

現月 又諭王人文電奏據四川諮議局呈稱川省紳民自奉鐵路改爲國有之命紛紛函電請飭暫緩接收並請緩刊謄黃等語覽奏殊堪詫異鐵道改歸國有乃以商民集款艱難路工無告成之望川省較湘省爲尤甚且有虧倒鉅款情事腴削脂膏徒歸中飽殃民誤國人所共知朝廷是以毅然收爲國有並停收租股以恤民艱既經定爲政策決無反汗之理該省諮議局不明此意輒肆要求並有緩刊謄黃之請是必所收路款侵蝕已多有不可告人之處一經宣布此中底蘊恐不能始終掩飾難保該局非受經手劣紳之請託希圖朦混爲延宕時期接續抽收之計不然前降諭旨指明停止租股並飭妥籌辦法何至誤爲捐款強詞奪

理情偽顯然該署督目擊情形一切弊竇應所深悉乃竟率行

代奏殊屬不合王人文著傳旨嚴行申飭仍著迅速刊刻謄黃

徧行曉諭並隨時剴切開導俾衆周知至已收租股並著趕即

查明由度支部郵傳部督辦鐵路大臣會同該署督妥籌切實

辦法請旨辦理現月又諭電寄趙爾巽等據電奏委記名分省

補用道袁祚虞署理奉錦新道等語知道了電寄綏遠城將軍

埜岫奏薩拉齊廳六成官地被旱成災所有租銀應請分別蠲

緩得旨著如所奏以恤民艱以三多爲庫倫辦事大臣摺包甲

辰諭內閣理藩部奏蒙古郡王因病請假旅行一摺帕勒塔著

賞假四十日在京調理毋庸旅行現月以宗人府府丞朱益藩

兼署都察院左副都御史現月以爲匪所戕予廣西博白縣團

紳副貢生余元梁優卹如陣亡例摺包乙巳吉林巡撫陳昭常

奏琿春勘撥貧苦旗丁荒地請免交價限年升科納租以示體

恤從之

包摺

予故內閣學士兼禮部侍郎銜聯元於直隸寶坻

縣城內建立專祠

包摺

丙午督辦粵漢川漢鐵路大臣端方密

奏各國辛丑和約已屆十年所有第七第九兩款亟應乘時設

法修改以重國防下外務部知之

包摺

出使俄國大臣薩蔭圖

奏財用困乏亟宜振興工業一可以裕國課二可以塞漏卮三

可以養貧民四可以清吏治擬請由農工商部先籌募公債一

二千萬圓專爲創辦工業之資本日後逐漸推廣並遴派工業

畢業學生分赴各省調查工料物產辦理局廠事宜嚴定章程

痛除從前官辦局廠積弊下農工商部議

包摺

出使美墨祕古

大臣張蔭棠奏整頓財政一宜首定金銀本位一宜確定金銀

比例價格一宜妥籌本位金之豫備揆度時勢宜速定爲金本

位改籌法幣以期裕國富民下度支部查覈議奏

包摺

又奏吾

國與美英德法財政家所借金款五千萬圓訂約宜慎勿授外

人以操縱吾國幣制之權以致干涉財政掣肘國事下所司知

之包摺 丁未諭內閣御史陳善同片奏各省省城商埠新設之

審判檢察等廳遇事衝突受訴互相推諉請飭各省督撫嚴督

提法使嚴切考覈妥擬章程等語所奏不爲無見著法部按照

所陳各節認真整頓妥慎籌議具奏現 戊申諭內閣有人奏

山東土匪潰軍交訐四出竄擾請相機剿撫一摺又片奏兗沂

一帶質鬻男女請飭查明籌款贍養等語著孫寶琦按照所奏

各節分別確查詳細具奏並認真整頓妥籌賑撫以靖地方而

恤災黎原摺片均著鈔給閱看寄廷 又諭沈秉堃據電奏防邊

拏匪與軍務相因請與軍務電報一律免費等語著該部知道

電 引見廷試遊學畢業生得旨進士江古懷何育杰鍾世銘

劉冕執兪同奎高勝儒凌春鴻吳乃琛孫昌潤羅忠詒劉國珍

刁作謙陳祖良梁賚奎陳訓昶董如奉林葆恆葉可樑朱天奎

韓楷均著授職翰林院編修諸翔王蔚文謝培筠季新益羅聽  
餘汪果孫多鈺薛宜琪崔潮吳鼎昌劉先鸞沈玉楨方擎劉慶  
綬趙世瑄廖炎楊壽桐均著授職翰林院檢討朱公釗張嘉森  
胡驤黃曾銘唐在賢鍾偉薛楷方時簡韓振華江順德屠密嚴  
恩械彭炳張修敏楊德森朱葆勤黃瀛元席聘臣均著改爲翰  
林院庶吉士舉人周翰翁敬棠董元春江熾芝郭寶慈張正坊  
彭清鵬張聯魁吳在章何長祺張廷霖余紹宋徐造鳳李雲諫  
范磊陳訓旭張大椿徐維震唐在章李澂邵長光金曾澄梅詒  
穀汪行恕談茲孫蔣履曾金泰周錫經均著以主事按照所學  
科目分部補用廖世功孫慶澤曹位康張友棟朱顯邦汪廷襄  
方興楚萬嘉璧錢懋勛楊汝驤何壽彭林祖繩張明綸曾牖楊  
剛劉桐董榮光張瞿郭登瀚余名銓楊熙光岑兆麟錢均何竣  
業何陶李景鎬黃以仁秦銘博余煥東施霖葉昌燾程承邁祝

長慶武濬源楊彥清鄭桓韓榮昌王麟書嚴式超陳日平諸人  
龍杜慎媿張淑皋鄭蘄高巨瑗程鵬年陳文中張德憲馬英俊  
錢鴻鈞梁同愷周秉鈞許文光田煜璠李協中熊嶧潘大道魏  
斯炅汪汝梅王毓芳袁鳳曦郭恩澤李士燭雷震孔紹堯榮陞  
王邦屏李維翰周達壽郁華范潤書屈熾楊同穰黃寶森黃公  
邁袁梅陳模吳錫忠陳英陳希曾伍學澧鄒樹聲葉瑞棻韓殿  
琦李鍾濂鄭文易歐陽啟勳劉健蕭鴻烈張冕光徐元誥胡國  
臣陳煦周鴻熙林瑩余道暄龍靈張恩綬陳彥彬郭秀如陳履  
潔徐觀謝家鴻黃德馨李昫余和治胡善思高贊鼎曹植晏才  
傑沈鴻杜雲程郭章塏嚴端李廷斌胡懌鄭維楨唐士杰王鑄  
李鶴經倪紹雯鄒延棻洪榮圻楊耀卿劉炤吳灼昭薛光鏗何  
超李盛鏘程家穎姚潤仁許壽裳黃永孚袁家普張繼業均著  
以七品小京官按照所學科目分部俟三年俸滿作爲候補主

事高國煥孫鍾黃翼顧時濟謝正權孫世偉沈秉鍇成祚蹇先  
驄楊兆鵬李國珍蔣道南馬柱彭繼昌熊彥后大經李柯徐藻  
楹金其堡萬紹儁田汝翼鄧瑞槃李邦燦萬勗忠王鍾駘劉鏡  
清何焯時吳燮黃宗麟歐陽景東孫德震倪啟瑞李慶芳啟彬  
葉諄然邵箴張萬田祝撰望周澤春馮斯燮方忠源駱繼漢楊  
拱丁鑑修邱開駿吳玉成沈復汪炳南鄔肇元張邦華夏嵩蔣  
羲明胡源鴻葉大榮黃鳳翔黃炳言夏國賓張炳星劉導沈秉  
誠陽光珠滕驥陳翹蕭露華黃蹇王邕周衡王曉東徐麟祥胡  
光普吳秉成胡光晉關和鈞鄭際平張蓋臣嚴慎修羅家衡石  
福錢馬光護馬有恆陳榮鏡孫壽恩玉潤周蓋臣郭襄臣陳佑  
清王懋昭張競立羅仁博任秉璋黨積齡陳國鏞曾彥李培鑾  
張福照蔡元康龍圖劉啟晴何蔚雷寶森吳懿徐炳成仇預黃  
甲馬有略張振鏞嚴少陵黃如棟孫景賢陳藻錢崇固申鍾嶽



黃行藻曹廣涵周英胡薰陳佐漢李涵真周大鈞鄭憲武徐家  
瑞殷汝熊黃耀鳳徐金熊王靖先周寶鑾郝文燦胡樹楷鄭隆  
驥邵文鎔鄭汝璋姚履亨張金燦童顯漢宋仲佳巫德源冀鼎  
鉉劉大魁楊悌劉石蓀蘇壽松尹耕莘吳會英王澄清黃傳綸  
張清槐熊兆周楊蔭喬金元潤王海鑄唐文晉光晟盧尙同蕭  
增秀劉蕃朱其振黃際遇鄆更戴棣齡廖恩煦李培業漆運鈞  
張國棟岳秀華陳鴻慈薛良瞿翔鮑鑠王光鼎董森僉仁愈張  
家亨章家駿馮需瞿祖熊均著以七品小京官按照所學科目  
分部補用劉安欽顧寶瑚周步瑛王道昌均著以知縣分省即  
用王英濰李惠人莊浩劉傑夫梁元輔段世垣袁本貴李世恩  
池文藻胡傳思張德潢邱冠棻潘光祖鍾銑黃中埏陳福民陸  
家驥劉光笏張耀何宗瀚趙恆默均著以知縣分省試用分部  
郎中朱斯芾張鴻鼎孫嘉祿薛宜瑞劄壽樞均著按照所學科

目分部俟奏留後各以該部郎中即用分部員外郎但霽蔣瑩  
英均著按照所學科目分部俟奏留後各以該部員外郎即用  
農工商部學習主事趙從懿著以主事仍歸原衙門俟奏留後  
以主事即用裁缺陸軍部主事李堯楷分部主事吳鐸李耀忠  
凌肇倫程愚均著按照所學科目分部俟奏留後各以該部主  
事即用分省知府趙之驗著仍以知府分省補用指分山西補  
用同知江忠章著仍以同知歸原省補用同知直隸州用直隸  
補用知州祝毓瑛著仍以知州歸原省即用並留原保升階湖  
北補用知縣黃希仲著仍以知縣歸原省即用補行廷試之舉  
人向瑞琨高彤墀沈祚延前因辦理南洋勸業會經張人駿奏  
請獎勵向瑞琨高彤墀均著以主事按照所學科目分部補用  
沈祚延著以知州分省試用現轉翰林院侍講學士李士鈞  
爲侍讀學士以侍讀薛寶辰爲侍講學士摺命廣西勸業道

趙從蕃開缺賞加四品卿銜充安徽清理財政正監理官

現月

己酉諭內閣孫寶琦電奏山東被災各屬辦理賑撫情形麥收

不日登場飢民日漸安輯等語知道了

寄電

又諭楊文鼎電奏

鐵路改歸國有本屬正當辦法瀝陳奉旨後辦理情形人心漸

定等語知道了

寄電

又諭瑞澂據電奏督練公所參議官應由

督辦奏派以資浹洽並請賞及新軍官銜各節著該衙門知道

寄電

馬蘭鎮總兵蘇魯岱奏親往興隆山一帶捕鹿各廠周履

查勘並設法嚴禁偷打鹿隻得旨如有匪人偷打鹿隻即應嚴

行查禁毋稍疏縱非但有關貢品且密邇

山陵允宜格外慎重方昭嚴肅

摺包

庚戌諭內閣載澤奏請裁撤督

辦鹽政大臣一摺前因各省鹽務疲敝特命該大臣督辦鹽政

以資整頓該大臣任事以來措施尙妥裨益良多現在財政支

絀鹽務爲國家稅關係甚重仍著該大臣照常督辦以期日有

起色所請裁撤督辦鹽政之處著毋庸議現 辛亥諭內閣都

察院代遞奉天諮議局副議長袁金鎧等條陳增練備補兵呈

一件著該衙門酌覈具奏現 又諭段祺瑞電奏預算不敷分

別增減等語著度支部知道電 壬子諭內閣張鳴岐電奏幹

路收歸國有請從速決定歸還股本辦法等語著度支部郵傳

部督辦粵漢川漢鐵路大臣安速議奏現 又諭寶棻電奏派

陸光熙充督練公所參議官並請賞給新軍職銜等語著該衙

門知道電 以大學士那桐服闋仍授為文淵閣大學士電

以王克敏為直隸交涉使現 癸丑諭內閣都統增祺前派有

恭奉

冊

寶之差著改派紹昌敬謹將事增祺著即撤下現 又諭睿親王魁

斌奉恩鎮國公毓敏均派有恭奉

冊

寶之差臨期遽行請假實屬非是均著傳旨嚴行申飭魁斌毋庸賞

假毓敏著於明日銷假屆期敬謹將事

月現

又諭電寄浙江巡

撫增韞據電奏查明甯波府城游勇滋事辦理詳細情形等語  
此案該管地方文武及審判廳員辦理均未能妥協姑念事起  
倉猝從寬免議仍著該撫嚴飭所屬將逸犯及毀廳搶米首要  
各犯勒限緝獲分別按律懲辦並著隨時嚴密稽查防範毋再  
滋生事端以靖地方

電寄

甲寅諭內閣農工商部奏南洋勸業

會列入一等應給獎勵各員開單呈覽一摺又片奏翰林院侍

讀學士黃思永請賞加二品頂戴安徽候補道許鼎霖獎給三

代正一品封典等語均著依議

月現

又諭張鳴岐電奏收回粵

路有人倡議抵抗不用官發紙幣紛紛持票領銀牽動省垣市  
面擬向外國銀行訂借現款五萬百兩以備周轉請特予照准

並請早定歸還股本辦法各等語借款周轉事關緊急著外務部度支部速議具奏歸還股本辦法一節仍著度支部郵傳部督辦粵漢川漢鐵路大臣妥速議奏

寄電

又諭電寄各省督撫

陸軍部奏湖廣總督河南巡撫電奏擬派督練公所人員覈與定章不符各一摺督練公所暫行官制業經奏定章程自應照章辦理嗣後各省督練公所應派軍事參議官以下各員務各查照定章和衷商榷仍由陸軍部奏充以免歧異將此通電各督撫知之

寄電

又諭電寄瑞澂等據電奏派劉邦驥充湖南督

練公所參議官等語本日已有旨

寄電

乙卯諭內閣御史黃瑞

麒奏借款官修幹路宜仍留商股一摺又片奏請飭將停收以前所收米鹽各款悉數解交公司不准挪用等語著度支部郵傳部督辦粵漢川漢鐵路大臣悉心妥議具奏

現月

又諭郵傳

部奏鐵路推行日廣擬請釐定全國軌制一摺著依議

現月

又

諭張鳴岐電奏粵民對於路事抗拒情形酌擬辦法請堅持國  
有政策准令商股悉領現銀等語著度支部郵傳部督辦粵漢  
川漢鐵路大臣歸併前案妥速議奏電 又諭電寄張人駿等  
電奏陸軍部奏定督練公所官制綱要於各省辦事情形諸多  
隔閡辦理爲難擬請將水陸巡防隊歸督撫直接管轄等語督  
練公所軍事參議官昨已有旨著仍照奏定章程由陸軍部奏  
派餘著該衙門妥議具奏尋陸軍部等會奏查原章有督撫兼  
充督辦管理該省新舊各軍一條是陸軍巡防隊均歸該督撫  
直接管理已有明文除水師一節不在陸軍範圍之內者應毋  
庸議外應令遵照定章辦理至教練測量及管理軍械鑲需之  
員均須各擅專長乃能勝任測量一項由軍諮府照章辦理教  
練一項應照原電奏委用學生出身人員外其餘軍械鑲需等  
項各該員如有情形熟習者應准咨商臣部酌覈派充從之

又諭本日朕覽山東巡撫孫寶琦摺一件所陳宗支不宜豫政不爲無見然不知朝廷因時制宜之苦衷且摺中頗有措詞失當之處著傳旨申飭原摺留中 丙辰諭內閣御史孫培元片奏請將高等學堂畢業得獎內閣中書中書科中書等員有願改就小京官者一律准其呈改等語著該部議奏 又諭度支部會奏議准張鳴岐電奏訂借外國銀行現款五百萬兩周轉市面一摺著即照所議行由該部電知該督遵照辦理惟此次粵省因收回路事突然倡議不用官發紙幣紛紛持票取銀顯係不逞之徒從中構煽藉端滋擾著張鳴岐嚴飭地方文武隨時防範認真彈壓或有不法行爲立予拏辦倘敢糾衆作亂准如該督所請格殺勿論 電寄 又諭電寄程德全據電奏蘇屬常昭城內賭風甚熾請將開場聚賭最著之花翎候選知府季保慶指分直隸試用縣丞葉福增先行革職歸案訊辦黨類邵咸



熙等或係附生或有職銜另行斥革並與差保人等訊明確情  
分別擬辦等語著照所請

寄電

又諭電寄沈秉堃據電奏廣西

混成協五標第一營左隊排長副軍校韋棟材抗違命令辱詈  
長官除將原派排長撤銷外並請將該員副軍校斥革由桂交  
原籍地方官嚴加管束等語著照所請

寄電

丁巳諭內閣資政

院續辦速記學堂並將原定章程酌量修改繕單呈覽一摺著

依議

現月

又諭御史德壽奏醫學爲民命所託宜設法提倡一

摺著民政部知道

現月

又諭御史德壽奏錢業倒閉日久商民

受害實甚亟宜試辦紙幣一摺著度支部知道

現月

又諭台布

奏甯夏將軍衙署不戒於火所有令箭旗牌敕書等件全行延

燒自請議處等語甯夏將軍台布著交部議處

寄電

又諭馮煦

等電奏遵查御史王寶田奏充沂徐宿等屬飢民情形入市之  
說及官紳挑買之事均無影響等語知道了

寄電

又諭稅務處

奏總稅務司赫德因病未痊懇請續假並請派安格聯署理總  
稅務司員缺一摺赫德著再賞假一年 京察覆帶一等圈出

人員招見完竣得旨吳炯何作猷李端棨林東郊尹慶舉鐵格  
孫筭經毓厚饒寶書恆文張錯榮厚蔡中燮如銓郭集琛謙榮

王士傑王季烈晏孝儒崇耀劉嘉斌成允吉同鈞陳棟堂顧祖

彭冒廣生榮凱裕芳文俊扎拉芬王金鎔惠銘樂善顧紹鈞春

常樸奎均著記名以道府用現 正白旗蒙古副都統靈照因

病乞休以內閣學士那晉爲正白旗蒙古副都統現 以防疫

出力賞英國使館醫員德來格如意一柄海關副稅務司法人

羅爾瑜三品銜美國醫員楊懷德英國醫員孫繼昌等寶星包

以論斷韓國歸還我國借款賞日本駐韓統監府外務部參

與官小蘇錄曾得有等寶星包 戊午諭內閣度支部會奏遵

旨籌畫川粵漢幹路收回詳細辦法各摺片鐵路收回國有固

以維持路政實以體恤民艱前經降旨停收川湘等省各項股捐並累次諭令將收之款妥籌辦法茲據奏稱請將粵川湘鄂四省所抽所招之公司股票盡數驗明收回由度支部郵傳部特出國家鐵路股票常平六釐給息嗣後如有餘利按股分給儻願抽本五年後亦可分十五年抽本未到期者並准將此次股票向大清交通銀行照行規隨時抵押其不願換國家鐵路股票者均准分別辦理以昭平允粵路全係商股因路工遲滯糜費太甚票價不及五成現每股從優先行發還六成其餘虧耗之四成並准格外體恤發給國家無利股票路成獲利之日准在本路餘利項下分十年攤給湘路商股照本發還其餘米捐租股等款准其發給國家保利股票鄂路商股並准一律照本發還其因路動用賑糶捐款准照湖南米捐辦理川路宜昌實用工料之款四百數十萬兩准給國家保利股票其現存七

百餘萬兩願否入股或歸本省興辦實業仍聽其便等語籌畫  
尙屬妥協著督辦粵漢川漢鐵路大臣迅速前往會同各該省  
督撫遵照所擬辦法將所有收款分別查明細數實力奉行朝  
廷於此事審慎周詳仁至義盡經此次規定後儻有不逞之徒  
仍藉路事爲名希圖煽惑滋生事端應由該督撫嚴拏首要盡  
法懲辦勿稍寬徇以保治安現又諭趙爾豐現已交卸川滇  
邊務著即兼程馳赴四川總督署任電已未諭內閣電寄周  
樹模據電奏與俄使會勘邊界開議日期等語著周樹模按照  
所陳情形詳細查勘妥慎籌議隨時電商外務部辦理電直  
隸總督陳夔龍奏請獎員數繕摺錯誤未能校正請交部察議  
得旨該督既稱一時疏忽姑從寬免其交部察議仍傳旨申飭  
其馬龍標等五員均著仍照原奏傳旨嘉獎摺山西巡撫丁  
寶銓因病乞休以內閣學士陳寶琛爲山西巡撫未到任以前

以布政使王慶平暫行護理

現月

庚申

孝恭仁皇后忌辰遣官祭

景陵

事早

諭內閣本日引見明保湖北候補道盛春頤著交內閣存

記

現月

又諭本日引見州縣事實最優等陝西三原縣知縣蔡

保善著在任以直隸州知州候補

現月

又諭吏部奏聲明請旨

一摺已故升用同知留江補用通判鶴鳴著照歿於王事例議

卹

現月

御史歐家廉奏編纂憲法宜按中國程度為準下纂擬

憲法大臣知之

摺包

准吏部右侍郎沈雲沛開缺仍留幫辦津

浦鐵路事務以榮勳為吏部右侍郎

現月

派禮部侍郎于式枚

總理禮學館事宜

現月

命湖南布政使趙濱彥來京以鄭孝胥

為湖南布政使

現月

辛酉諭內閣學部奏中央教育會遵章開

會請派張譽充該會會長張元濟傅增湘充該會副會長

現月

又奏遵章酌擬中央教育會議規則繕單呈覽各一摺均著

依議

月現

又諭御史陳善同奏借款修路利固甚溥害亦相當

就借款合同另擬安插已收股款辦法一摺著度支部郵傳部

督辦粵漢川漢鐵路大臣知道

月現

又諭御史陳善同奏近年

銀號票莊屢見倒閉國民兩困請速行保商政策一摺著該部

知道

月現

又諭有人奏河南提法使袁庸昏憊各廳用人行政

盡歸劣幕把持及審判廳等員翫法殃民搶案迭出請飭查辦

等語若如所奏實屬不成事體著寶棻按照所參各節確切查

明據實具奏毋稍瞻徇原片著鈔給閱看尋奏和爾賡額等查

明並無其事均請免議候選鹽大使程萬遠即程源深請即行

革職並其弟程源漢均驅逐回籍交地方官嚴加管束候補直

隸州知州陸文治知縣周恕均請撤去法官署任隨時察看從

之 又諭長庚等電奏新疆邊地遼闊全賴一二宿將鎮攝若

歸參議官管轄後患甚鉅情形實與內地不同等語著該衙門

體察該省情形妥議具奏尋陸軍部等會奏查前奏定督練公所章程內聲明仍以該省督撫兼充督辦等語並無新舊軍均隸參議官管轄明文今該督所陳於督練公所綱要未經詳細閱看致有誤會應飭下查照奏章辦理從之 東三省總督趙爾巽奏東三省籌辦實業擬先從移民墾荒入手現就奉天省城暫設立屯墾總局爲三省移民開墾總機關下部知之

摺包

壬戌諭內閣趙爾巽電奏駐紮東省陸軍第三鎮暨第二混成協底餉懇照成案再展限一年仍由原處協撥等語著該部議奏

電寄

派江蘇督練公所參議官步隊副參領艾忠琦充陸軍

第二十三協統領官並賞陸軍協都統銜

現月

癸亥夏至大祀

地於

方澤遣鄭親王懋林恭代行禮

早事

諭內閣等電寄載振據電奏抵

英後呈遞國書並贈送各禮物等語知道了又奏英皇頒給維

多利亞頭等寶星應否收受佩帶等語著准其收受佩帶

電寄

以教育有方賞日本教員美代清彥等寶星

摺包

甲子諭內閣

奉恩鎮國公毓岐奏丁生父憂請賞假百日一摺王公丁憂應

由宗人府具奏該公自行奏請殊屬不合毓岐著宗人府議處

現月又諭憲政編查館奏考覈第三年第二屆續報各省籌備

憲政成績一摺知道了

現月

又諭內閣會奏酌擬內閣屬官官

制暨內閣法制院官制繕單呈覽一摺朕詳加披閱尙屬妥協

著先將此兩項官制頒布除應簡之閣丞各員另行簡補外著

即遵照設立內閣承宣廳及制誥敘官統計印鑄各局應設之

內閣法制院亦即同時並設所有憲政編查館吏部中書科稽

察欽奉上諭事件處批本處等衙門著一併裁撤其所管事項

與已經裁撤之舊設內閣軍機處會議政務處所管事項凡應

併入內閣辦理者統即分別接管舊隸軍機大臣之繕書房著



改隸於翰林院至各衙門應行劃入事項及應劃歸各衙門事項均著妥慎交接以清權限而專責成餘著照所擬辦理此外各項官規及京外官制仍著遵照修正籌備清單妥速擬訂陸續奏聞候旨頒布施行俾臻完善

現月

又諭所有此次裁缺各

員均著仍食原俸

現月

又諭此次裁缺之吏部侍郎于式枚榮

勳均著聽候簡任吏部右丞孫紹陽軍機領班三品章京易貞

均著以三品京堂及交涉使提學使提法使候補軍機領班三

品章京文年著以副都統記名吏部左參議毓善著以四品京

堂及道員候補其次裁缺各員並著妥籌分別改用辦法奏請

施行

現月

以華世奎爲內閣閣丞趙廷珍爲承宣廳廳長楊壽

樞爲制誥局局長裕隆爲副局長寶銘爲敍官局局長張錯爲

副局長楊度爲統計局局長張國淦爲副局長陸宗輿爲印鑄

局局長黃瑞麒爲副局長

現月

以李家駒爲內閣法制院使

未到任以前以劉若曾署理章宗祥爲副使未到任以前以吳

廷燮暫行署理吳廷燮林炳章徐宗溥阮忠樞爲法制院參議

現月賞禁衛軍軍諮官固倫額駙品級世襲一等誠嘉毅勇公

麟光固倫額駙爵章 派陸軍第八十一標統帶官劉洵充陸

軍第四十二協統領官並賞陸軍協都統銜現月以辦賑不善

革蘇道員洪槃職包摺乙丑諭內閣內閣現在接收吏部事宜

著派達壽幫同清理歸併現月翰林院奏檢討章程呈稱現今

### 銳意立憲

聖祖成憲實足範圍各國憲法而無遺續述精求法源斯在恭纂康

熙政要二十四卷進呈報聞早事翰院以裁撤吏部侍郎于式

枚爲學部右侍郎現月以李景鈺暫屬法制院參議現月以王

善荃爲內城巡警總廳廳丞吳鏡孫爲外城巡警總廳廳丞現月

賞外務部右侍郎曹汝霖左丞高而謙左參諭曾述棨右參

大議陳懋鼎寶星

現月

丙寅順天府奏宣統三年預算案查照資

政院決議數目分別留減並追加歲入追減歲出繕單呈覽一

摺著度支部知道又片奏裁併派辦等處並分科治事等語知

道了

現月

大清宣統政紀卷三十五

宣統元年... 宣統二年... 宣統三年... 宣統四年... 宣統五年... 宣統六年... 宣統七年... 宣統八年... 宣統九年... 宣統十年... 宣統十一年... 宣統十二年... 宣統十三年... 宣統十四年... 宣統十五年... 宣統十六年... 宣統十七年... 宣統十八年... 宣統十九年... 宣統二十年... 宣統二十一年... 宣統二十二年... 宣統二十三年... 宣統二十四年... 宣統二十五年... 宣統二十六年... 宣統二十七年... 宣統二十八年... 宣統二十九年... 宣統三十年... 宣統三十一年... 宣統三十二年... 宣統三十三年... 宣統三十四年... 宣統三十五年... 宣統三十六年... 宣統三十七年... 宣統三十八年... 宣統三十九年... 宣統四十年... 宣統四十一年... 宣統四十二年... 宣統四十三年... 宣統四十四年... 宣統四十五年... 宣統四十六年... 宣統四十七年... 宣統四十八年... 宣統四十九年... 宣統五十年... 宣統五十一年... 宣統五十二年... 宣統五十三年... 宣統五十四年... 宣統五十五年... 宣統五十六年... 宣統五十七年... 宣統五十八年... 宣統五十九年... 宣統六十年... 宣統六十一年... 宣統六十二年... 宣統六十三年... 宣統六十四年... 宣統六十五年... 宣統六十六年... 宣統六十七年... 宣統六十八年... 宣統六十九年... 宣統七十年... 宣統七十一年... 宣統七十二年... 宣統七十三年... 宣統七十四年... 宣統七十五年... 宣統七十六年... 宣統七十七年... 宣統七十八年... 宣統七十九年... 宣統八十年... 宣統八十一年... 宣統八十二年... 宣統八十三年... 宣統八十四年... 宣統八十五年... 宣統八十六年... 宣統八十七年... 宣統八十八年... 宣統八十九年... 宣統九十年... 宣統九十一年... 宣統九十二年... 宣統九十三年... 宣統九十四年... 宣統九十五年... 宣統九十六年... 宣統九十七年... 宣統九十八年... 宣統九十九年... 宣統一百年...

大清宣統政紀卷三十六

宣統三年辛亥六月丁卯朔諭內閣資政院院章前於光緒三十四年由資政院總裁會同軍機大臣具奏復於宣統元年經資政院會奏續擬院章並將前奏各章改訂頒布施行現在已閱兩年時勢又有不同核與新頒法令未盡脗合亟應將資政院院章修改以免窒礙而利推行著資政院總裁副總裁會同內閣總協理大臣悉心斟酌妥速改訂具奏候朕欽定頒行

現月

又諭陸軍部奏保定陸軍軍械局所管大楊村火藥庫暨駐紮保定陸軍第二鎮演武廳火藥庫被焚情形一摺一月之間兩次失慎此中有無情弊著該部嚴查究辦據實具奏

現月

又

諭電寄湖南巡撫楊文鼎據電奏五月十七八等日狂風暴雨山水猝發常德府屬之武陵龍陽等縣田廬多被淹沒並溺斃人口長沙府屬之益陽縣城堡一帶亦被浸灌居民皆在水中

籌工籌賑力盡筋疲本年應解桂滇甘肅等省協餉祇可暫行

緩解等語湘省連年災祲今復遭此鉅災蕩析情形殊堪憫惻

著該撫迅籌款項分派委員馳赴各災區詳細查勘散放急賑

勿任失所寄電又諭電寄廣西巡撫沈秉堃據電奏副軍校韋

棟材不遵命令辱詈長官前請斥革交地方官嚴加管束本係

加重現已遵旨起解免予復加審判等語著陸軍部知道寄電

護理四川總督王文奏裁改四川各綠營編練巡防軍隊接

續籌辦情形下陸軍部議包摺又奏川省綠營已經提前裁撤

核減巡防軍隊妨礙實多下所司議包摺准四川提學使劉嘉

琛修墓解任以翰林院編修方履中署四川提學使現月撥四

川德造七生子口子彈五十萬顆並中粒仿洋藥一萬斤解赴雲

南軍營以濟軍需包摺戊辰諭內閣電寄出使美國大臣張蔭

棠據電奏駐墨二等參贊官代辦使事沈艾孫言動乖謬請先

行撤任著外務部查核辦理

寄電

江皖查賑大臣馮煦奏此次

江皖災區四月以後疫氣蔓延頗廣當經電飭各屬於城鄉適

中之地分設局所廣施方藥以期挽救報聞

寄電

己巳山西巡

撫丁寶銓奏遵章裁撤調查局改爲統計處仍在外設立一俟

法制報告完竣後即將統計處移入署內并在調查局原有經

費項下酌提一萬兩有奇爲統計處及會議廳常年經費下部

知之

摺包

命雲南鶴麗鎮總兵周彪解職以記名總兵張繼良

署雲南鶴麗鎮總兵官

現月

以考較工作成效昭著賞江南製

造局總檢査洋員哈卜們寶星

摺包

以辦理交涉賞義國駐蒙

自領事德羅期寶星

摺包

庚午派廣西提督龍濟光充陸軍第

二十鎮統制官並賞給陸軍部副都統銜以左江鎮總兵陸榮

廷爲廣西提督

現月

賞廣東陸軍混成協統領官蔣尊簋陸軍

協都統銜

現月

以勦辦股匪賞廣西提法使王芝祥頭品頂戴

包摺 辛未諭內閣電寄署兩廣總督張鳴岐據電奏懲治賭場

專章相需甚殷請飭從速核議頒行等語著修訂法律大臣知

道 寄電 山東巡撫孫寶琦奏遵旨籌辦內地捐擬議章程又奏

整頓海關常稅移設內地釐卡分擬章程均下所司議 包摺 開

缺貴州巡撫龐鴻書奏黔省預算不敷銀五十九萬六千有奇

懇飭部統籌勻配撥給以紓邊困下度支部知之 包摺 又奏黔

省禁種罌粟已著成效得旨著沈瑜慶妥慎辦理 包摺 以前四

川川北鎮總兵李永芳為廣西左江鎮總兵官 現 以辦理僑

學捐助巨款賞在籍候補四品京堂張鴻南以三品京堂候補

包摺 壬申禮部尚書榮慶奏估修

文廟工程擬定做法估計十成足銀三十七萬四百餘兩擬分三期

請領又奏監修飯食紙張等項擬每月請領經費銀一百均從

之 現 以協領綽哈泰護理甯夏副都統 電 癸酉諭內閣



電寄湖廣總督瑞澂據電奏搶築沙洋隄工仍被漫潰請將承辦各員分別參處並自請議處等語沙洋李公隄爲下游數州縣之保障關繫至爲重要自上年撥款開工至今數月訖未堵合近因連日大雨襄水陡漲已成之功多被冲刷雖因水勢過猛人力難施承辦各員終難辭咎坐辦委員候補知府彭覺先分修中段委員候選知縣常梧均著暫行革職分修東段委員候補知縣方述猷著革職提省究問總辦隄工候補道袁勵楨著摘去頂戴前派查勘隄工之丁憂湖北候補知府伍璣著以縣丞降補發交湖北留工効力仍著該督督飭各該員將未潰之隄認真防護務保無虞並將已潰之工豫爲籌備屆時趕速搶築毋再疏失所有自請議處之處著加恩寬免

電寄

川滇邊

務大臣趙爾豐等奏自打箭鑪至恩達共三十九臺額設員弁兵丁統計七百餘名一律撤回並酌改路綫棄弧就弦將巴塘

至江卡乍了各臺盡行裁去別由三岩邊界逕出乍了此外亦設法縮減計自打箭鑪至恩達併爲二十臺每臺暫設漢號書一名蠻兵三名馬三匹站路既捷額名無多固可省失時廢事之慮亦足杜空額冒支之弊如所請行

包摺

補行宣統二年大

計廣東卓異官六員罷輟官一員浮躁官一員有疾官一員才力不及官一員分別議敘處分如例

包摺

甲戌諭內閣督辦鹽

政大臣奏請仍留張鎮芳署直隸長蘆鹽運使並懇恩免其議處等語已補湖南提法使張鎮芳著調署直隸長蘆鹽運使餘

依議

現月

又諭電寄護理四川總督川滇邊務大臣趙爾豐等

據電奏籌商波密調營進攻並飭鳳山赴碩板多節制調度等語即著按照所籌各節飭令各營分投前進妥慎辦理趙爾豐布置就緒仍即迅速赴川未盡事宜由傅嵩林妥爲籌辦

電寄

資政院奏遵旨改訂院章繕單呈覽所有組織之法議決之權

皆最關重要之端規定均尙妥洽自可無庸輕議更張其餘應  
行改訂者約分四類第一類因新定官制改從一律者如院章  
原文所稱軍機大臣等官現已裁撤軍機處改設內閣不便仍  
沿舊名又現在資政院總裁副總裁各簡一人與弼德院官制  
院長副院長各一人相同而原文所定各設二人應即改正又  
祕書廳請簡請補各員按照規制應分別會同內閣辦理其各  
員品級亦應於另訂之官品章程統行規定不必著於院章此  
其應改訂者一也第二類因法令歧異改從一律者如原文第  
二十四條核辦事件上年欽定修正籌備清單按語業經申明  
改歸行政審判院辦理查行政審判院定於本年設立院章此  
條應即刪除以清權限又召集臨時會與召集常年會均屬  
君上大權而原文第三十二條臨時會分別由臣下陳請與召集常  
年會辦法歧異宜加修正此其應行改訂者二也第三類因立

法偶疏改歸完密者查外國議院規制不得向地方議會照會  
往復我國各省諮議局性質屬於地方議會則資政院除有所  
諮詢外不應行文該局茲於原文第二十二條之次酌加一項  
又諮議局與督撫異議事件有關於立法者亦有關於行政者  
若行政事件概由資政院核議恐於事情有所隔膜核議之後  
仍難施行反不足以收實效茲將原文第二十三條所規定略  
加區別俾與原文第二十七條辦法一律又按外國議院開議  
大率以議員過半數或三分之一以上到會爲限而原文第三  
十四條非有議員三分之二以上到會不得開議限制太嚴往  
往因人數不足不能開議茲將原文改爲議員過半數到會以  
免延擱又按外國議院法臨時改定議事日表須得政府之同  
意茲於原文第三十八條之次酌加一項此其應行改訂者三  
也第四類因易滋誤解詳爲申明者如原文第二十三條第二

項及第三十九條所謂不得與議者均與所謂不列議決之數  
文義迥殊茲於原文各加於會議時退出議場一語似更明晰  
又原文第二十九條資政院於民刑訴訟事件概不受理則陳  
請事件自不得涉及訴訟茲酌加一項以示尊重司法之意此  
其應行改訂者四也此外原文第六十四條經費數目由資政  
院另行奏定現在預算統由度支部辦理此條應即刪除又附  
條本章程施行日期亦應改訂從之現月 摺包 調天津鹽運使劉  
鍾琳署湖南提法使現月 以記名總兵龍觀光署廣西左江鎮  
總兵官 乙亥

文宗顯皇帝誕辰遣官祭

奉先殿

早事

熱河都統溥頤奏巴林三旗墾務擬仍責成林西開魯

兩縣就近兼辦撤回前派局員以免紛歧而資撙節下部知之

摺包

浙江巡撫增韞奏浙省諮議局議決縮短本省禁煙期限

非禁種禁吸禁運三者相輔而行不易著有成效通盤籌算於禁種禁吸兩項自應督率僚屬切實通行至禁運一節關係鄰省及外人交涉請飭部覈議施行下外務部度支部議尋奏該省銷售煙土爲數尙多吸戶亦非甚稀應請飭該撫速籌認真禁吸辦法然後施行禁運庶可期弊絕風清從之 丙子諭內閣陳夔龍等奏考察辦學各員優劣分別舉劾一摺所有辦學最優之直隸東光縣知縣張徵乾任縣知縣謝昺麟署祁州知州葛龍三署崑縣知縣邱廷榮霸州知州劉傳祁吳橋縣教諭兼縣視學馬錫蕃吳橋縣勸學總董劉祖旃豐潤縣勸學總董楊金第霸州勸學總董張文田均著傳旨嘉獎雄縣知縣張允翰才識庸闇漠視學務平鄉縣知縣程遐師委靡性成學務廢弛均著即行革職延慶州知州周文藻情形隔膜不知振興衡水縣知縣金樹棠敷衍因循毫無振作均著以縣丞降補新東

縣知縣麥汝良年力就衰難期振作著原品休致署棗強縣知縣阜平縣知縣普容習於因循延擱要政正任保安州知州呂懋光才力短絀莫覩成績均著開缺另補現都察院代奏直省諮議局議員呈稱皇族內閣不合君主立憲公例失臣民立憲之希望仍請另行組織以重憲政而固國本得旨黜陟百司係君上大權載在

先朝欽定憲法大綱並註明議員不得干豫值茲豫備立憲之時凡我君民上下何得稍出乎大綱範圍之外乃該議員等一再陳請議論漸近囂張若不亟爲申明日久恐滋流弊朝廷用人審時度勢一秉大公爾臣民等均當懍遵

欽定憲法大綱不得率行干請以符君主立憲之本旨現修訂法

律大臣奏遵議粵東禁賭條例繕單呈覽下內閣法制院覆核具奏現兩江總督張人駿奏浦口商埠宜區別通商口岸擬

就市場局擴充辦理以符商約而重主權並懇准募公債以便  
剋期興辦下內閣會議具奏尋奏應照所請行並飭督率所屬  
官吏認真興辦從之 又奏裁減綠防各營諸多妨礙所有防  
營悉仍其舊俟鄉鎮巡警籌辦完備再行議裁綠營俟至宣統  
六年一次裁盡下部知之包摺 浙江巡撫增韞奏地方自治經  
費支絀請將全省官荒撥充城鎮鄉自治財產提出議案經諮  
議局議決可行下內閣會議具奏包摺 以懿行可風予故大學  
士鹿傳霖原籍定興縣建祠包摺 丁丑諭內閣禮親王世鐸等  
奏八旗預算覈減窒礙難行據實陳明一摺著照向章辦理度  
支部知道現月 又諭電寄江皖查賑大臣馮煦據電奏賑務告  
竣請將在事出力員紳擇尤保獎等語此次江皖奇災該大臣  
督飭員紳徧歷災區分投查辦糧鈔並施多所全活辦理尙爲  
妥協在事員紳著會同盛宣懷擇尤酌保毋許冒濫該大臣將



應行籌商及經手事件料理清楚即著來京陛見

電寄

內閣奏

接收吏部印信文件分別歸併酌擬暫行章程十條繕單呈覽

一京官不分滿漢一律酌補一州縣以上外補各缺酌量變通

一佐雜各缺一律酌補一停止京外各項選班一

陵寢各缺應劃歸內務府一丁糧等項處分宜定劃一辦法一命盜

彙奏案件宜暫行停辦一丁憂起復更名復姓歸宗過繼改籍

等項分別劃歸敍官局民政部辦理一封典廕襲議卹查齋縉

紳篆擬印模等項分別劃歸敍官局禮部印鑄局管理一學治

館宜歸併學部接辦從之

摺包現月

江北提督段祺瑞奏協款無

著懇飭由部收部發下度支部議

摺包

以興辦農林成效卓著

賞安徽補用道周鶴皋三品頂戴

報官

戊寅郵傳部奏船路郵

電四政經費不敷應行追認先行敘明理由下度支部知之

現月

湖廣總督瑞澂奏中國會計年度應以七月朔日為始下度

支部核議具奏包摺江西巡撫馮汝駿奏贛省歲入不敷二百

餘萬兩擬請試辦公債先償舊欠分年攤還現以各省歲出歲

入互相比較所認賠款協解各款贛省獨占歲入十分之分擔

負獨重懇飭通盤籌畫適中支配下內閣會議具奏包摺又奏

遵籌統一國庫發行國幣懇請提前辦理以利民用而重財權

下度支部知之包摺又奏此次奏裁綠營計每年騰出餉銀十

二萬餘兩除撥補添練第五十五標不敷之款外儘數留備陸

軍軍械之需下所司知之包摺以捐款興學賞湖北存記道黃

訓典四品京堂候補包摺庚辰諭內閣電寄雲貴總督李經羲

據電奏騰越隴川野夷拒戕弁兵分別勦撫等語著按照所籌

妥慎辦理該處地方與緬界毘連該督務當切飭各營加意嚴

防毋任夷匪竄越勾結並飭該管官吏與夷緬各員遇事互相

知照共保治安不得稍生意見致滋交涉寄電又諭電寄直隸

總督陳夔龍據電奏京奉鐵路撥解二成餘利爲北洋辦理要

政所關請飭度支郵傳二部仍照原案撥解等語著該部速議

具奏

電寄

湖廣總督瑞澂奏軍用人現據政治官報內載陸

軍部奏鄂督電奏擬派督練公所人員核與定章不符一摺尋

釋再三始知部

臣

未嘗以

臣言爲謬且謂

臣

奏陳督辦權限及

參議官應辦事宜係原章精意則

臣

之前議尙爲部

臣

所見采

獨至用人一節部

臣

必須直接專奏派充在部意以軍事統一

挈領提綱視爲必要但督撫既奉派督辦若所用之人素不相

知或無權舉劾竊恐督撫將視督辦爲名譽之職遇事推諉不

擔責任督練公所各員誤會宗旨亦將視督辦爲無足輕重之

人推其流弊所及軍事之敗壞軍士之囂橫且將日甚一日矣

夫一省之治亂朝廷責成於督撫督撫所以安治而定亂者惟

軍人是賴今則於軍事機關既已不負完全責任譬猶使臂而

去其指深所未喻至軍事統一在今日尤有難言我國幅員遼闊交通未便文報往返淹旬累月徵調既屬不易因應尤屬爲難加以伏莽甚多事機萬變如督撫事事受成於部臣並節制調遣之權亦暫歸於消滅是部臣得統一之虛名而地方受無窮之實禍揆之練兵初意恐亦大相逕庭以臣之愚竊謂督撫若無軍事實權即將無從擔負疆圻責任臣非不知軍部苦心規畫事事方駕列強但中外形勢既有不同則經始之初自無從強爲附合況定章貴可實行兵政何能遙制一有不慎督撫臣不足惜其如大局何此不獨督練公所用人之權督撫仍應參預即各省新軍用人之責督撫亦似應與聞者也今部臣既以臣議爲不然臣亦何敢固執惟似宜謹遵和衷商榷之旨請於原章略加變通嗣後凡一省軍事重要人員遇有應行補充之缺應先由部臣疆臣文電相商酌籌定妥然後再由部臣會

同督撫列銜奏明請旨派用庶不負和衷之明詔於以定行政之職權軍事切要不敢不言下陸軍部議包摺駐藏辦事大臣

聯豫奏波密野番大股出巢搶擄現經調兵分路剿辦又奏電

請四川總督趙爾豐代辦邊務大臣傅嵩炘派撥邊軍三營由

碩般等處分道進剿委派左參贊羅長禱馳赴前敵調度軍事

均報聞包摺代理川滇邊務大臣補用道傅嵩炘奏邊務經費

支絀西藏安設電綫無款籌撥下部議包摺以辦理交涉出力

復已革陝西知縣王振鐸原官包摺予因公死事四川優貢直

隸州州判陳文猷都司楊文奎周監議卹如例包摺辛巳諭內

閣

監國攝政王面奉

隆裕皇太后懿旨皇帝沖齡踐祚寅紹丕基現當養正之年亟宜及

時典學以裕聖功而端治本著欽天監於本年七月內選擇吉

期皇帝在毓慶宮入學讀書著派大學士陸潤庠侍郎陳寶琛授皇帝讀其各朝夕納誨盡心啟沃務於帝王之學古今中外治亂之原詳晰講論隨事箴規當此世界大通文明競進舉凡數十年來通行之憲政發明之學理尤當按切時勢擇之務精語之務詳仍不外乎孔子格致誠正修齊治平之要旨庶幾觸成日新之德即以培成郅治之基皇帝讀書課程及毓慶宮一切事宜由監國攝政王妥爲照料至於國語清文乃係我朝根本著派記名副都統伊克坦隨時教習並由監國攝政王一體照料現月又諭陸潤庠著開去禁煙大臣差使山西巡撫陳寶琛著開缺以侍郎候補都察院副都御史伊克坦著開缺以副都統記名現月又諭兼管順天府府尹事務一差著即裁撤現月又諭趙爾巽奏周肇祥因公來奉請將該員留於東三省差委等語四川巡警道周肇祥著開缺准其留於東三省差委酌

量補用

現月

又諭有人奏疆臣玩災捏奏據實指參一摺著趙

爾巽按照所奏各節確切查明據實具奏毋稍徇隱原摺著鈔

給閱看

寄廷

又諭電寄閩浙總督松壽據電奏請將閩省停收

膏捐暨土行坐賈銀兩就於洋土藥加稅項下按年照數撥補

抑或將閩省奉派新案償款酌量減撥等語著度支部議奏

電寄

御史陳善同奏請慎選高等實業專門最優等畢業生赴美

就學等語下部知之

現月

又奏邊務交涉日棘請飭籌備詳細

地圖以愆後患而固封守下所司知之

摺包

出使奧國大臣沈

瑞麟奏外患日亟請速定聯盟政策以結強援而維危局竊維

世界之競爭愈烈則強國互相猜忌而孱弱轉得以圖存聯邦

之協約既成則弱國日即阡危而斷難以持久近十年來各國

之協以謀我者肇始於光緒二十四年之英俄協商而二十五

年乃有英日協商二十八年三十一年有先後兩次之英日協

約三十三年又有日法協約日俄協約英俄協約宣統二年復有日俄新協約因緣事會與時推移陽託保全尊重之虛名陰行取侮兼攻之祕策其舉動之彰明較著者英則兵踞片馬矣俄則特派陸軍大臣前赴遠東爲軍事上之規畫矣日則出其全力經畫遼瀋近且與俄議割滿洲公布於俄報矣萬一不幸英日俄法四國之中有一國焉首先發難則列強各挾機會均等之主義以肆其橫行於此而予取予求弗汝疵瑕乎而赤縣神州豈容他族實偪處此將堅拒而不許乎而海陸軍備一無足恃又何以爲折衝禦侮之資然則爲今之計宜莫如聯絡德美以結我援而樹彼敵使競爭得以繼續即協約不能實行奚以明其然也德與法爲世讐與英爲勁敵而侵略世界之政策又往往與俄相抵觸故歐洲大局德奧意爲一部英法俄爲一部久成對峙之形至於美日之於東方莫能兩大日自勝俄併



韓以後高掌遠躡幾欲爭攬太平洋之海權故美與日相軋相傾初不以一千九百零八年之締約而變其計畫又況德爲新造之國而美則世守孟祿主義其在中國所得權利遠不逮英日俄法之優是對於四國嫉之愈深斯對於我國援之必力東三省鐵路之中立美首倡言哈爾濱市制之施行德先抗議非愛中國也蓋協約未得圓滿之果則競爭尙無休息之期也臣愚以爲乘此時機與之聯絡握定維持現狀四字爲聯盟宗旨但期限英日俄法之權力以遏其進取在德美必表同情如有非分之要求則現在增練新軍需款甚鉅或陰許以日後借款特殊之利以結其驩心固無損於主權且有裨於實用利害之權衡既審斯操縱之因應皆益或三國同盟以樹聲援之壯或兩國分議以免牽掣之慮事貴速成謀宜勇斷設再逡巡卻顧坐失時機恐德美亦相率加盟陷我於孤立之域則眉睫之

禍有不堪設想者矣國勢安危爭此一舉應如何相機辦理剋期舉行擬請飭下內閣外務部迅決機宜密定政策庶外交不致棘手而憲政分年籌備亦得藉此和平之保障以促其進行又奏各國通告公牘會盟約文全以法文爲外交公共文字我國駐洋使臣暨各分館計十餘處但所駐國習用文字恆有英法德三者之不同擬請飭下外務部參照通例釐定畫一辦法由部遴選精通法文熟諳交涉之員查照漢文譯成定稿分別咨行均下外務部知之

摺

命禮部尙書榮慶充弼德院院長

署外務部尙書鄒嘉來充弼德院副院長

現

以訓練陸軍第

三鎮著有成效予記名總兵曹錕以提督升用餘升敘有差

以辦事公允賞前駐滬奧國總領事沈迪邁寶星

摺

以熱心

教授賞直隸初級師範學堂日本教員小幡勇治熊澤文吾江

蘇高等學堂日本教員理學士三谷新等寶星

摺

壬午諭內

閣大學士陸潤庠等在毓慶宮行走差務重要著加恩陸潤庠

每月賞給養廉銀一千兩陳寶琛每月賞給養廉銀八百兩伊

克坦每月賞給養廉銀六百兩現以宗人府府丞朱益藩爲

都察院副都御史陸軍部左丞許秉琦爲宗人府府丞現以

江蘇布政使陸鍾琦爲山西巡撫直隸提法使齊耀琳爲江蘇

布政使山西勸業道翁斌孫爲直隸提法使現命侍郎陳寶

琛在紫禁城內騎馬現旌表未婚守志江蘇四品廕生候選

中書科中書陸家振繼妻徐氏摺癸未軍諮府奏湖北浙江

等省軍事參議官擬請兼任參謀處職務從之官督辦川滇

邊務大臣趙爾豐奏收服巴塘之南得榮地方八十餘村縱橫

五六百里該處百姓紛紛開報戶籍請納糧稅內有浪莊寺喇

嘛千餘名許其還俗回村各安耕牧不准再行滋事又奏巴塘

之東北隅有地名臨卡石該民相率投誠即將該處撥歸三壩

廳管理徵糧均報聞

摺包

廣西巡撫沈秉堃奏實業爲裕民至

計擬請整頓教育特設銀行以圖振興而固邦本比年以來疊奉明諭振興實業設立各種實業學堂農工商部督責進行不遺餘力然而成效尙未大著者非盡奉行之不力實亦籌畫之有未盡也查農工商各項實業論其深非顯門名家不能精語其淺則庸夫俗子皆能喻精深之學勢不易成亦祇能責以主持指揮必有多數粗淺技能之人供其驅策譬之設一工廠爲之主者固必爲大學問家或大資本家至於爲技師爲工匠之千數百人則但具粗淺技能已足應用而事業之收效全賴此粗淺技能之千數百人故與其造少數之專精人才費重而效遲不如造多數之粗淺人才費輕而利溥學部定章初等中等高等各項實業學堂畢業之後皆應按級升學又以實官獎勵導之於利祿之途以是言功課則初等實中等之豫科

中等實高等之豫科高等實大學之豫科不能自成結構教授不能切實以言學生則入學之初人人皆抱一希冀獎勵之心以爲畢業之後皆將馭歷宦途責以場廠實習率皆夷然不屑夫名爲實業而不能實習安有實業之可言加以課程又係豫科性質本難應用又何怪學生畢業之後莫肯從事實業耶東西各國各種各等實業學堂皆自爲結構其課程以等級爲淺深要皆各足應用畢業之後並不升學故其學生皆能各執其業自謀生計而有餘以全國人民人人皆知自謀生計皆有自謀生計之技能安有不興之業安有失所之民遇有一二專門名家發明特殊事業所需技師助手以至工匠又所在皆是易於圖成其民生之充裕在此其國力之雄厚在此其新學新藝之日有發明亦在此似應酌量仿照將實業學堂升學章程及時修改畢業獎勵應否但給學位不獎實官亦應切實籌議務

使學生確能從事實業並宜多設中等初等實業學堂及實業  
補習普通學堂以養成多數粗淺技能之人散布全國人知自  
謀庶實業能有振興之日此定章之宜變通者也農工商各種  
實業新理新藝日出不窮自必借助外國教員以期取人之長  
補我所短惟近來各處實業學堂聘用外國教員率皆聽其自  
爲教授不復過問雖學理本無二致而民情物產則各國不同  
彼之所略或爲我所當詳彼之所急或爲我所宜緩所授學理  
若與事實皆不相應則學成而不能應用亦自不能專咎學生  
此猶曰外人未能悉我國情也而留學畢業學生充當教員亦  
多襲用外國課本不復參酌變通以此爲教安能致用更有各  
處工場製造亦皆襲取外國物品或專製奢侈玩具不問本國  
民生日用是否相需甚至一圖畫之細一雕刻之微在彼皆於  
其民俗國情具有關繫隱寓國民教育之深心而依樣葫蘆則

如秦越肥瘠毫無關涉徒啓厭薄土物之心有失陶鑄國民之旨事雖細微關係頗大至於應用課本如農政學農事法規土木法規工業法規商業歷史商業地理之屬尤須參照本國情形乃爲適切似應及時編撰頒行俾各省得以一律遵用此辦法之宜籌畫者也奏定學堂章程農工商各種實業學堂均歸提學司管理而農工商部籌備清單復將農林蠶業水產各項學堂列入責成勸業道籌辦同一性質之學堂而頒布定章與籌備事宜隸屬各異一有爭攬則迹涉侵權互相推諉則事嫌曠職且一學堂而隸屬各分命令不一在下無所稟承在上不負責任辦理斷難收效若謂提學司但覈課程勸業道專任設置則學堂一切設備胥與課程有密切之關係事權旣分勢難相應此權限之宜釐劃者也凡此皆現今實業教育之情形應行改良之事項切近易行至於振興實業更有應行籌畫之端

近來各省設置工廠開採礦山以及組織公司場所從事各項實業者不乏其處然皆旋起旋仆不能有成良由資本薄弱而國家無實業金融機關以爲之救濟故商民零星資本喪失已多而實業終無起色且使後起者鑒車生畏莫肯投資因仍不返必致民資喪盡而業無一成尤可危懼竊查東西各國實業所由發達其農業商業工業皆各有其信用機關即以日本言之爲商業之信用機關者有各種之商業銀行爲工業之信用機關者有興業銀行爲農業之信用機關者有勸業銀行及各府縣之農工銀行似應酌量仿辦於京師設立殖業銀行並於各省或特別繁盛府州設立農工業銀行以爲催進實業之機關其辦法約有數端一宜厚集資本也殖業銀行爲全國農工銀行之中央銀行所負責任至重所期目的亦至大自非厚集資本不能保持其信用日本勸業銀行資本多至一千萬圓



其後逐漸增加益以公債金殆又倍之蓋不如是不足以資靈活而持久遠也一宜守定範圍也殖業銀行性質異於商業銀行其事業之效果往往收之於數年或數十年之後故其貸款爲年賦償還若以殖業銀行而兼營商業銀行之業務則其結果必陷於危險之地故必辨明性質確守範圍乃能有利而無弊一宜官商合辦也考特種銀行若純爲官有則銀行基礎必因政治上之關繫而時有搖動若純爲公司則又慮主其事者專營私利不顧公益殖業銀行亦特種銀行之一也自應官商合辦乃能相與維持一宜予以發行債票之特權也應興之實業無窮銀行之資本有限純恃本金以副興業之望必逐漸告乏終有窮時但殖業銀行若發行鈔票以資周轉則侵占中央銀行之範圍爲貨幣制度所不許若吸收存款以謀業務之擴張則性質又不相容惟有發行債票之一策雖此項辦法吾國

尙未試行而欲圖實業之急興自不能不令其便宜創辦一宜  
特定條例爲之保護並宜由官任檢查監督之事也殖業銀行  
既足以開發富源充實國力則保護補助宜由國家任之日本  
勸業銀行由其政府特定種種條例以保護之補助之並以大  
藏大臣監督之如變更章程設立分行分配餘利必得大藏大  
臣許而後行實成法之可師者也要之殖業銀行以全國實業  
之改良發達爲目的以不動產爲抵當利息既低長期貸附於  
經營實業大有帮助現在我國情形不惟工商未能進行即傳  
習自古之農業亦有衰萎之勢荒地繇互歉薄相聞實由不動  
產之信用薄弱資金無出欲興業而不能則特設實業金融機  
關實爲事勢所不容緩至此項銀行創設之初所需成本爲數  
頗鉅川漢粵漢各鐵路現經收歸國有其各路公司原有股本  
約計尙不下三四千萬與其籌還商民一散不能復聚何如即

將原有資本移之殖業銀行各省商民投集此項資本本以營業爲宗旨以之補助實業又係官商合辦當爲輿情所樂從一經轉移即可成立再行量撥官款酌集商股以益之資本可期雄厚此尤事機之可乘者也下內閣會議具奏尋奏農工商實業關係全國財源已由農工商部奏定勸懲專章應即通行各省督撫隨時體察情形提倡維持其教育各事當由學部督飭各學堂將課程及教授法詳細釐定殖業銀行當由農工商部會同度支部統籌全局另行辦理至以鐵路公司股本移辦殖業銀行前已議定還款給股三項辦法未便再議挪移致礙大信從之 甲申貴胄法政學堂總理貝勒毓朗奏貴胄法政學堂第一屆常經費樽節動支擴充學舍七十餘間並繳餘款銀三百餘兩又奏添取第二班學員入堂肄業此項經費擬就樽節款內開支均報聞

現月摺包

學部奏前擬籌設游學日本高等五

校豫科現在亟須開辦茲擬具章程十三條即於本年秋間考選學生入堂肄業從之 改甘肅新疆溫肅縣分防縣丞爲溫

肅府屬分防巡檢從巡撫聯魁請也

現月摺包

添鑄內閣承宣廳

制誥局敍官局統計局印鑄局法制院印信各一顆

現月

予故

雲南臨元鎮總兵譚修綱祭葬

報官

乙酉諭內閣埴岫奏查明

準噶爾旗被災較重請飭部速籌賑撫一摺準噶爾旗屢年災歉去年又復亢旱兼以去冬今春連遭大雪蒙民產業牲畜倒斃殆盡困苦情形殊堪憫念加恩著賞給帑銀一萬兩由度支部給發交埴岫委派委員前往災區查明被災輕重分別妥爲散放毋任失所用副朝廷軫念蒙艱之至意

現月

命陸軍速成

學堂監督護理總辦陳文運充陸軍第三鎮第六協統領官近畿陸軍督練處參議官蔡成勳充浙江暫編陸軍第二十一鎮第四十一協統領官陸軍第二十三鎮步隊第八十九標統帶

官裴其勳充吉林暫編第二十三鎮第四十六協統領官山西  
參謀處總辦譚振德充山西暫編陸軍第四十三混成協統領  
官均並賞陸軍協都統銜現丙戌諭內閣陳夔龍奏特參庸  
劣不職各員一摺直隸沙河縣知縣雷其源聽斷糊塗怨聲載  
道調署任邱縣蠡縣知縣張祖厚捕務廢弛縱盜殃民肥鄉縣  
知縣張新曾優柔玩忽頗滋民怨房山縣典史張桂森阜城縣  
典史范奎垣疏防逾限罔顧職守均著即行革職試用知州陳  
寶銘膽大妄爲聲名惡劣鑽營奔競有玷官常著革職驅逐回  
籍不准逗遛前署東鹿縣候補直隸州知州張敬效性情迂緩  
難膺繁劇著以州判降補新河縣知縣陳曾翰才具平庸難期  
振作前署臨榆縣保定縣知縣馬慶麟辦事粗疏被控有案均  
著以縣丞降補定興縣知縣王錦陽年老頹唐難膺民社著勒  
令休致開州知州孫德成才力竭蹶不勝繁要甯津縣知縣韓

樹梅性近偏執防疫不力均著開缺另補又片奏裁缺龍固營都司岳駿聲盜賣官樹侵吞公款著即行革職並將盜賣樹木價值及侵蝕公款勒限追繳現月又諭電寄陝甘總督長庚等據電奏丹噶爾廳及西甯縣攬隆莊等處匪黨聚衆同時起事疊經調撥馬步各隊先後拏獲逆首李旺及李統春李官博儉等並拏獲匪黨多名丹噶爾廳已獲各犯委西甯府知府興廉前往會訊實係逆迹昭著者就地正法等語西甯地處邊要黨徒不時竊發著該督等飭令該府迅速前往將丹噶爾廳所獲各犯認真訊究凡係逆迹昭著之犯即著就地正法並將西甯獲犯一併訊明懲辦毋稍寬縱其未獲各犯仍責成該督等飭屬嚴拏務獲盡法懲治以絕根株嗣後仍著加意防範免再滋生事端電寄又諭電寄兩江總督張人駿等革道蔡乃煌玩誤要款一案上年八月曾諭令張人駿程德全飭令該革道將經

手款項勒限兩箇月繳清嗣因逾限已久又於本年三月初十日電諭該督將現辦情形迅速電奏是月二十四日始據該督等電奏該革道欠款以押件作抵如各處押產懸而無薄仍責成該革道清償等語復經諭令該督等勒限嚴追毋再延緩現在又逾數月該革道押產究竟有無著落能否作抵鉅款攸關竟不上緊嚴辦致令久延殊屬不成事體仍責成張人駿程德全迅速認真清理毋再遲延並將現辦情形先行電奏

電寄

東

三省總督趙爾巽等奏吉省常赦不原遣留人犯援照奉省奏准辦法一併毋庸發配留於吉省分別年限收所習藝下法部議尋奏如所請行從之

摺包

禮部會奏遵擬國樂辦法延聘通

才及諳習音樂人員參酌古今中外樂制詳慎審訂編製專章

奏請頒行從之

官報

丁亥諭內閣

監國攝政王面奉

隆裕皇太后懿旨欽天監奏遵擇入學讀書吉期一摺著於本年七

月十八日辰刻皇帝入學讀書現月 戊子諭內閣電寄兩江總

督張人駿等據電奏辦理災賑各員紳久歷艱辛始終罔懈請

援照成案准予保獎並醫員可否彙案奏保等語著准其擇尤

酌保毋許冒濫電寄 弼德院奏遵擬弼德院辦事細則三十七

條繕單呈覽又奏覓定東安門內禮器庫即前光祿寺舊署地

址懇恩撥給以便修築均從之 籌辦江皖賑務大臣盛宣懷

奏江皖新捐收數甚薄供墊各款尙難歸償請查照兩次部議

展期勸辦以清款日並將災區善後事宜妥速籌辦從之 又

奏捐款緊要請將新授直隸提法使翁斌孫暫留山西提法使

署任俾得速竟全功得旨著毋庸議現月 陝甘總督長庚奏甘

肅黃河現已開通各船隻由西甯至蘭州由蘭州至包頭均屬

行駛穩速謹旬日程查歸化經薩拉齊廳至包頭鎮三百二十



里若能籌款修築與張綏工程東西並舉聯絡一氣即可直達

京師商務可望振興下部議

包摺

科布多辦事大臣忠瑞奏阿

爾泰原勘建治地方未盡妥協懇准就承化寺駐所如修衙署

酌添卡倫哨臺數處以資控制下內閱會議具奏

包摺

以法官

蕩檢不職四川地方審判廳推事植璧檢察廳檢察官李鵬初

級審判廳推事劉恆階初級檢察廳檢察官蹇國楨地方審判

廳主簿葉汝鐫重慶地方審判廳刑科推事楊承憲吳善寶學

習推事王之杰分別罷免退職

報官

豁免甘肅甯夏縣任春王

洪兩堡被水地方銀糧草束

報官

己丑諭內閣電寄湖南巡撫

楊文鼎據電奏湘陰等縣續報水災亟求賑撫又常德府縣自

十五日大雨如注河水陡漲人畜器具漂流無算請飭盛宣懷

酌量協助等語上月據該撫奏報常德等府屬災情當經諭令

妥爲賑撫茲據續報各屬被災情形殊堪憫惻亟應速籌拯救

著即咨商盛宣懷酌量撥款以資協濟毋任失所寄電 又諭禮

親王世鐸等奏內外火器營豫算核減窒礙難行據實陳明一

摺著仍照向章支領該部知道現月 又諭電寄庫倫辦事大臣

三多據電奏庫練新軍分期成立除馬隊二隊在本兩盟徵募

外其機關礮營二隊一隊招庫地客民一隊招綏遠旗兵委員

赴綏挑選請飭綏遠城將軍遵照辦理等語著照所請該衙門

知道寄電 庚寅諭內閣電寄雲貴總督李經羲據電奏調直隸

補用知縣吳炳湘襄理軍事請飭直隸總督迅令該員由海道

赴滇等語著照所請該衙門知道寄電 浙江巡撫增韞奏變通

海塘巡警改編海塘警察以節經費下部知之包摺 湖南巡撫

楊文鼎奏提法使署改設屬官分科治事下法部知之包摺 以

捐助賑款賞河南試用道蔣積文頭品頂戴包摺 以煙癮未除

革浙江巡檢蔡慶恆職永不敘用包摺 予已故儘先選用道楊

安臣甘肅題奏道易孔昭前署湖北漢陽協副將田其述直隸  
通州營副將史濟源補用總兵劉耀廷等賞卹如軍營立功後  
病故例包摺辛卯內閣會奏酌擬典禮院官制繕單呈覽得旨  
典禮事宜至爲隆重亟宜設立專院恪恭將事著即將典禮院  
官制頒布以禮部改設典禮院所有禮部舊管事項有關於行  
政者均劃歸各行政衙門管理其各衙門舊管之關於典禮無  
關行政應歸該院辦理事項即劃入該院管理著內閣會同各  
部及該院詳細釐定具奏以專責成而崇鉅典

附錄章程

第一條 典禮院掌

朝廷

壇

廟

陵寢之禮樂及製造典守事宜并修明禮樂更訂章制

第二條 典禮院設官如左 掌院大學士 特簡 副掌

院學士 特簡 學士 簡任 直學士 簡任 廳長

簡任 署長 奏任 僉事 奏任 簿正 奏任

典簿 奏任 司庫 贊禮郎 奏任 讀祝官 奏任

鳴贊 奏任 序班 奏任 庫使 奏任 錄事

委任

第三條 典禮院掌院大學士一人總理本院事務監督廳

署

第四條 典禮院副掌院學士一人佐掌院之職務

第五條 典禮院學士八人承掌院大學士之命討論典禮

參訂章制

第六條 典禮院直學士八人承掌院大學士之命襄同學

士討論典禮參訂章制

第七條 凡關於典禮差使均由掌院大學士副掌院學士直學士以下承充不行取行政各衙門人員銜名其扈從巡察等差及特別大典不在此限 其典禮院人員不敷承充時得行取翰林院人員襄同辦理

第八條 典禮院具奏不經內閣遇本院所管事務有應行曉諭軍民人等者可分別咨札該管衙門辦理

第九條 典禮院設總務廳其職掌如左

一 恭閱祭告祝文及繕寫祝版事項

二 恭繕

壇

廟

陵寢

園寢

神牌事項 三 本院總務事項 四 文牘事項 五 典

守院印事項 六 本院經費事項 七 本院庶務事

項 八 奏派咨取各衙門關於典禮執事人員事項

九 不屬各署事項

第十條 典禮院設四署 禮制署 祠祭署 奉常署

精膳署

第十一條 禮制署職掌如左 一 朝會事項 二 尊

崇事項 三 慶賀事項 四 大婚事項 五 經筵

事項 六 巡幸事項 七 耕藉事項 八 親蠶事

項 九 乘輿服物之因時進御具奏事項 十 皇子

成婚公主釐降事項 十一 册立册封事項 十二

進書頒賞事項 十三 更改釐定本院禮制事項

第十二條 祠祭署職掌如左 一

壇

廟典禮事項 二

陵寢典禮事項 三 大事典禮事項 四 恭擬

山陵園寢名號及神祇封號事項 五 備辦一應典禮之鹵簿禮

仗綵棚器具事項 六 關於典禮行取各項工料事項

十七 吉安所禮節及備辦應需器物并王公大臣外藩

王公祭葬立碑事項 八 恭辦製造神牌及入祀牌位

事項

第十三條 奉常署職掌如左 一 親行禮節事項 二

齋戒事項 三 閱祝版事項 四 贊引讀祝事項

五 典守

壇

廟各事項 六 兼理神樂署和聲署各樂舞事項

第十四條 精膳署職掌如左 一 筵宴事項 二 備

辦一應祭品事項 三 稽察各項典禮應用之酒醴牲

牢庶羞等名數事項

第十五條 總務廳廳長一人承掌院副掌院之命管理廳

務

第十六條 署長每署一人承掌院副掌院之命總核本署

事務

第十七條 僉事分一二三等承掌院副掌院之命分任總

務廳及各署事務

第十八條 錄事承廳長署長之命繕寫文牘

第十九條 簿正典簿司庫庫使隸屬總務廳經理所管事

務



第二十條 鳴贊序班隸禮制署讀祝官贊禮郎隸奉常署  
分任所辦事務

第二十一條

壇

廟

陵寢各官承掌院副掌院之命掌典守之事務

第二十二條 典禮院僉事以下各缺由掌院副掌院酌量  
事務繁簡擬定奏明辦理但不得逾禮部原設司員之數

第二十三條 神樂署和聲署各員及

壇

廟官

陵寢讀祝官贊禮郎各有專司所有職掌員缺均仍其舊不另列表

第二十四條 此項官制如有應行變通修改之處由內閣

會同該院奏明候旨裁奪辦理

又諭此次裁缺之禮部侍郎景厚著聽候簡用仍食原俸

現月

又諭電寄兩江總督張人駿據電奏將蔡乃煌滬關虧款一案現辦情形先行電陳等語現既據稱交代清冊抵押件據陸續送齊即責成張人駿程德全迅將此項款目逐一清查核實估計勒限一箇月完結如逾限不清著張人駿程德全即將蔡乃煌嚴行監追

電寄

內閣奏現在京外各項選班停止每月分發

人員量予變通於每月初一日攜帶像片赴閣過堂由閣丞並敘官局局長詳如考驗又奏吏部學治館已歸併學部分發人員暫免考試俟到省後仍由該督撫查照憲政編查館奏定章程辦理又奏嗣後大計舉劾逕由內閣具奏都察院給事中京畿道等衙門毋庸會銜均報聞

官報

又奏外補各員試署之日

一律作為實授毋庸再扣試俸從之

官報

湖廣總督瑞澂奏前

准陸軍部電各處綠營所屬田產各項應變價以擴充新軍不得挪作他用等因惟查此次所節餉項撥抵一協之餉尙有不敷擬請將綠營練軍公產留作抵補鎮協臨時活支於軍費範圍仍不違背下部知之

官報

甘肅新疆巡撫袁大化奏時局跼

危急宜籌款修通東西鐵路以固全局下內閣會議具奏

摺包

以協辦大學士裁缺吏部尙書李殿林爲典禮院掌院學士禮部右侍郎郭曾炘爲典禮院副掌院學士裁缺內閣學士毓隆溥善楊佩璋李聯芳許澤新禮部左丞英繇右丞劉果裁缺軍機領班三品章京易貞爲典禮院學士裁缺陸軍部左丞朱彭壽裁缺吏部右丞孫紹陽候補三品京官渠本翹朱恩紱禮部左參議曹廣權右參議李擢英裁缺內閣侍讀學士延昌裁缺吏部右參議毓善爲典禮院直學士禮部郎中端緒爲典禮院總務廳廳長

現

壬辰諭內閣禮親王世鐸等奏健銳營豫算

核減窒礙難行據實陳明一摺著仍照向章支領該部知道

現月

引見差滿人員四川補用道周鳳岡得旨著交內閣存記

現月

引見明保人員江西試用知縣汪都良得旨著發回原省以

知縣儘先即補

現月

湖廣總督瑞澂等奏湘省添募防隊分別

布置報聞

包摺

湖南巡撫楊文鼎奏懇准將湖南候補道朱祖

蔭暫緩調部一俟將官錢工賑兩局事務料理清楚再行給咨

赴部得旨著仍遵前旨迅速赴部不准遲延

包摺

護理四川總

督王人文代奏四川紳民羅倫等二千四百餘人呈稱疊讀收

路國有諭旨並盛端兩大臣會同度支部酌定辦法不敢從命

查盛端兩大臣電稱川股由部籌還必借洋債必照湖北以川

省部有之財政作抵等語是意在挾持川人不還股款可知又

度支部會議細則謂公司股票如願領保息股票除倒帳准不

扣折等語是倒款固永不歸還路本亦必扣折又可知又度支

部會奏謂湘粵商股一律照本發還川路用款准給保路股票其存款或令入股或歸本省舉辦實業等語是川路雖有商股不得如湘鄂商股照本發還又可知部臣對待川民種種均以威力從事毫不持平敢同聲籲於我

皇上之前惟裁察焉得旨鐵路國有政策早經宣示借款合同係有旨諭令籤押決無反汗之理該護督一再瀆奏殊爲不合著仍懷遵疊次諭旨辦理儻或別滋事端定惟該護督是問

添設和屬爪哇島總領事一員泗水蘇門答臘正領事各一員

摺包以課導認真賞南洋海軍學堂教習洋員孟羅彭約翰等

寶星 摺包以遺愛在民予故四川川東兵備道黎庶昌國史館

立傳並准於川東建祠從護理總督王人文請也 摺包 癸巳籌

辦江皖賑務大臣盛宣懷奏籌撥湘省賑款派員迅速起解報

聞 現月 開缺新疆巡撫聯魁奏將弁學堂畢業生加授警察功

課查照陸軍警察隊定章參酌本省情形編成警察隊一隊駐紮省城專司稽查陸軍各營兼爲地方行政司法警察之補助下部知之報官資政院奏各部院衙門官議員缺額以翰林院編修黎湛枝學部參事恩華度支部員外郎錢承誌學部參事范源廉度支部郎中陳錦濤爲議員 旌表守正不污甘肅新疆烈婦徐張氏烈女如司呢竿 甲午

德宗景皇帝誕辰遣官祭

奉先殿

事早

遣官祭梁格莊

暫安寢殿

現月

諭內閣前據楊文鼎兩次電奏湘省災情當經諭令

妥爲撫恤並飭盛宣懷撥款協濟茲復據該撫電奏稱常德府城自六月十五日以後兩大風狂河流洶湧水勢幾與城平所屬各縣全被淹灌淹斃人口甚多牲畜器物蕩盡無餘等語覽奏殊堪憫惻加恩著賞給帑銀六萬兩由度支部給發該撫即

大派委員馳赴災區核實散放毋任失所現 又諭電寄湖廣總

督瑞澂據電奏漢口架子樓大小擺隊各幫匪徒黨羽衆多擾

害地方治安請將匪首王順王福父子並得規庇匪之捕役陳

明忠偵探鄭德鴻即鄭昌德一併正法等語所有匪首王順王

福並夏口廳捕役陳明忠偵探鄭德鴻即鄭昌德一併先行正

法並嚴拏餘匪務絕根株電寄 乙未引見開缺人員浙江鹽運

使衡吉得旨著交內閣存記現 丙申諭內閣禁煙爲方今要

政前因外務部與駐京英使續訂條件所議辦法尙屬妥協業

經降旨通飭認真整頓以期早絕根株現在各省禁種禁吸確

有成效者自可查明先行分期禁運其栽種未絕吸戶尙多之

省分務當嚴申禁令痛自湔除應如何稽核零賣查禁吸戶著

遵照歷次頒行禁煙章程畫一辦理惟不得限制商人大宗貿

易所有廣東等省於續訂條件以前所施行各項限制及徵收

各捐已令立即停止若再另立名目徒事苛擾既與增加稅釐  
之原議不符且於按省禁運之辦法有礙此次禁煙之舉深得  
友邦贊成各省地方官必應按照條件切實奉行以期次第禁  
絕克竟前功儻不認真經理事務拖延以致妨礙全局定惟該  
督撫是問現月又諭電寄江皖查賑大臣馮煦據電奏本月十  
四日皖省無爲州五里碑地方圩破五十餘丈又上下九連等  
處百七十七圩全行淹沒委員馳放急賑等語圩民遭此奇災  
深堪憫惻該大臣即會商朱家寶盛宣懷寬籌款項妥爲撫恤  
毋任失所電寄



大清宣統政紀卷三十七

宣統三年辛亥閏六月丁酉朔御史陳善同奏內閣初立宜剔羣弊以懋新猷敬陳六端一行政之責任宜大小臣工公同擔負二公牘之程式宜改歸簡易三法令必求實行四立法須祛偏私五兼差宜嚴行禁止六京官酌序並行之例仍應規復下內閣知之摺包現月 貴州巡撫沈瑜慶奏貴州勸工商品陳列所成立擬定陳列參觀細則並擇期開辦報聞摺包 又奏黔省起支各官公費並各屬辦公經費日期下所司知之摺包 准陣亡

候選道趙國澍青巖城專祠永甯州捐建知州胡繼學李崑楊

宗藩祠並列入祀典從貴州巡撫沈瑜慶請也摺包 戊戌諭內

閣都察院奏代遞浙江乍浦駐防協領杉梁條陳清釐地畝開

闢利源呈一件著該部議奏現月 又諭都察院奏已革直隸候

補知州前署密雲縣知縣陳雄藩被參冤抑鈔咨呈覽一摺陳

雄藩著交內閣帶領引見月現 廣西布政使魏景桐因病乞休

以提法使王芝祥為布政使右江道歐陽中鵠為提法使月現

己亥貝勒載洵等奏謹陳現修

崇陵工程情形報聞月現 又奏工程緊要匠夫人等如有罷工滋鬧

情事擬查明首要交地方官從重懲辦依議行月現 法部奏京

師法律學堂畢業各員請以正七品推檢分發仍留原官從之

早 直隸總督陳夔龍等奏煙濰鐵路關繫北洋及東省大局

請飭部籌議收回官辦以保利權下部議包摺 廣西巡撫沈秉

堃奏請准將嗣後辦匪出力各員專案奏保并請飭內閣敘官

局立案如所請行包摺 派學部左侍郎寶熙充禁煙大臣月現

庚子大學士陸潤庠等奏遵章酌擬毓慶宮功課時刻章程繕

單呈覽依議行包摺 東三省總督趙爾巽奏奉省特別地方審

判廳為司法補助機關一時未能裁撤下部知之包摺 雲貴總

督李經羲奏滇省綠營經費暫難全裁巡防經費亦當因時增減院議裁減綠防各營按之目前滇省邊情諸多窒礙尙難遵辦下所司知之

摺包

又奏滇省續辦審判廳豫算經費過鉅人

款兩紕請敕閣議宣布政綱豫定辦法如閣臣政策注重司法請將其他行政各事量予裁停行政各費實力削減以免顧此失彼下閣議

摺包

陝西巡撫恩壽因病解職以湖北布政使余誠格爲陝西巡撫未到任前以布政使錢能訓暫行護理

現月

辛丑諭內閣馮汝駿奏特參庸劣不職各員一摺江西補用知

府邵之純工於欺飾罔上徇私德化縣知縣前署彭澤縣錢志銘信任門丁用刑率意彭澤縣知縣前署星子縣許廷恩居心嗜利罔恤民艱贛縣桂源司巡檢前署鄱陽縣典史翟寶書擅受擅理幾釀命案均著即行革職又片奏測繪學堂總辦江西丁憂補用道陳旋樞濫用非人任意開支該學堂提調候補知

縣王慶璋罔利營私不知自愛收支委員廣東試用縣丞申錫齡工於舞弊侵吞有據著即一併革職其浮冒之款並著勒令陳旋樞申錫齡照數賠繳申錫齡俟賠繳後驅逐回籍交地方官嚴加管束陳旋樞係該撫奏請留江補用人員茲據自行檢舉請交閣議處馮汝駉著加恩免其議處

現

又諭袁大化電

奏新疆庫存銀僅十餘萬兩本年各省協餉未到應發兵餉及行政等費爲數甚鉅請由部派員攜帶國票來新分設銀行如一時難以辦到乞准藩庫暫製官票百萬以濟急需等語著度支部議奏

電

又諭電寄陝甘總督長庚據電奏靈州回目王玉清主使伊子糾領回民多人撞入顧王氏等家恃強輪姦請將王玉清等就地正法等語回目王玉清強豪武斷惡迹多端茲復糾衆強姦劫掠實屬凶惡已極王玉清王玉進楊連太王五乎子均著就地正法

電

熱河都統溥頤奏圍場地方關繫

全熱治理請仍歸熱河管轄以便行政下閣議

摺包

山東巡撫

孫寶琦奏東省防疫請獎人員遵旨切實覈減繕單呈覽得旨

姚贊元等二十員均著傳旨嘉獎餘交該衙門議奏

摺包

又奏

東省普籌城治各審判廳擬請變通部章以州縣官兼充檢察

下閣議

摺包

降二級留任江西巡撫馮汝駿奏劃歸上栗廳歸

聖欽風兩鄉離廳較遠請仍歸萍鄉縣管轄下閣議

摺包

兩江

總督張人駿等奏裁撤安徽中南兩路綠營北路擬從緩辦理

下所司知之

摺包

以安徽布政使連甲爲湖北布政使安徽提

法司使吳品珩爲布政使甘肅甘涼道張毅爲安徽提法使

現月

壬寅諭內閣盛宣懷奏撥解皖省賑款趕放急賑並請飭下

該省督撫及查賑大臣將工賑事宜會籌分辦一摺安徽無爲

州等處災情甚鉅覽奏深爲憫惻著盛宣懷等寬籌款項源源

接濟妥爲撫恤毋任失所所有未潰已決各隄圩著兩江總督

安徽巡撫迅即派員分別查勘妥籌堵築以澹沈災而奠民生

現月

又諭電寄署四川總督趙爾豐現在風聞川人對於路事

有定於本月初十日開會之說誠恐聚集多人藉端滋鬧或致

妨害治安趙爾豐計已入川距省不遠著即兼程前進趕於初

十以前抵省屆開會日期多派員弁實力彈壓除股東會例得

准開外如有藉他項名目聚眾開會情事立即嚴行禁止設法

解散免致滋生事端儻敢抗違即將倡首數人嚴拏懲辦以銷

患於未萌該署督務即遵旨迅速赴任毋稍延緩並將對待辦

法豫爲妥慎籌畫先行電奏

寄電

內閣奏接收禮部鑄印事宜

并酌擬變通辦法依議行

事早

郵傳部奏福建鐵路公司應行

舉員接管并籌善後事宜依議行 又奏改派京漢鐵路總辦

各員報聞

現月摺包

添鑄內閣各廳局院印信

事早

癸卯諭內閣

昨據盛宣懷奏皖省無爲州等處水災趕放急賑各節當經諭

令該大臣等寬籌款項源源接濟妥爲撫恤並著兩江總督江蘇巡撫派員分別查勘茲據張人駿等電奏本年五六月間大雨時行江潮暴發皖省濱江沿河各屬災情奇重等語覽奏實深憫惻加恩著賞給帑銀五萬兩由度支部給發著該督撫等迅速派員前往災區覈實散放務令實惠均霑毋任失所用副朝廷軫念災黎之至意

現月

又諭前據大理院奏職官夥謀誑

騙得贓恃符狡展請旨分別革職解任當經諭令將法部候補主事明安泰即行革職副都統霍倫泰先行解任一併歸案訊辦茲據奏稱審明按例定擬等語霍倫泰身爲大員明安泰在司法衙門供職宜如何束身自愛恪守官箴乃因貪圖寇李氏財產設謀誑騙銀物先後至六千餘兩之多並有將寇李氏關禁家內捏寫借字逼令畫押情事迨法部具奏之後仍敢夥謀詐騙贓款纍纍其種種不法情形實屬罪無可逭解任正紅旗

漢軍副都統霍倫泰著即行革職與伊弟已革法部候補主事  
明安泰均著發往巴藏効力贖罪餘均照所議辦理其在逃之  
錫恆錫珍等著民政部步軍統領衙門順天府一體嚴拏歸案  
訊辦以肅國紀而儆官邪現月 協辦大學士榮慶等奏恭報

文廟工程興修日期報聞

現月

御史蕭丙炎奏各省地方自治辦理

失宜請飭嚴加整頓下所司知之

現月

又奏俸滿截取人員請

飭參酌舊制量爲變通無論何項人員一律准其呈請聲明內

用外用下閣議

摺包現月

內閣奏釐定裁缺人員改用章程又奏

裁缺實缺郎中等官升階擬改歸外任又奏限制廩增附並難

應出身人員一律不准更名均依議行

早事

命甘肅布政使陳

燦解職調雲南布政使世增爲甘肅布政使以外務部左丞高

而謙爲雲南布政使

現月

轉外務部右丞施肇基爲左丞左參

議曾述榮爲右丞轉右參議陳懋鼎爲左參議以郎中顏惠慶



爲右參議 甲辰諭內閣廣福電奏伊犁饒源奇絀屢催罔應

請飭部臣疆臣合力維持等語伊犁爲邊防重地饒項關繫緊

要著度支部嚴催各省迅速籌解毋任延緩

寄電

以前內閣學

士兼禮部侍郎銜陳寶琛爲正紅旗漢軍副都統

早

以說事

行賄革浙江試用知縣黎澤耀職並訊辦 以延欠公款革河

南扶溝縣知縣謝盈淋職並勒追

摺包

旌表捐軀殉夫江蘇上

元縣河南候補縣丞李燮霖妻傅氏

摺包

乙巳督辦津浦鐵路

事務內閣協理大臣徐世昌等奏恭報津浦鐵路南段淮河橋

工告成並南北兩段工程進步情形計南段路長六百六十餘

里通車者已六百里北段路長一千三百餘里通車者已九百

餘里計年內外南北兩段可以通車原定四年竣工不至逾限

報聞

現月摺包

丙午諭內閣瑞澂奏舉劾屬員一摺湖北荊州府

知府斌俊署漢陽縣知縣利川縣知縣張振聲調署蘄州知州

孝感縣知縣郭毓璋大冶縣知縣賴汝驥調署恩施縣知縣來  
鳳縣知縣田應璜調署安陸縣知縣補用直隸州知州吳本義  
既據該督臚陳政績均著傳旨嘉獎署蘄州知州補用直隸州  
知州李祖蔭深居簡出百務廢弛聽信丁役擱置重案署廣濟  
縣知縣試用知縣周煇縱容差役遇案索詐縱匪殃民均著即  
行革職永不敘用前署襄陽縣知縣分缺間知縣徐久緒藉案  
苛罰違例病民前充宜昌警務長補用知縣張遇辰嗜酒冶遊  
毫無顧忌前充釐捐局司事試用通判金墉卑污苟賤行止不  
端前署沔陽州州判試用直隸州州同羅時清擅受詞訟縱丁  
訛詐前署長樂縣灣潭縣丞試用州判彭康壽諱盜不報前充  
漢口偵探隊長試用州吏目汪如蓮得規庇匪均著即行革職  
汪如蓮庇匪事發聞風逃逸情節較重並著飭拏歸案審辦  
又諭電寄兩江總督張人駿等據電奏現放急賑情形等語

現

知道了

電寄

又諭電寄署四川總督趙爾豐據電奏到川接任

日期等語知道了

電寄

丁未學部奏擬定單級教授二部教授

簡章開單呈覽依議行

事早

東三省總督趙爾巽奏奉省清賦

新章第一年免價期滿請再展至年底以恤民艱而裕課賦如

所請行

摺包

戊申諭內閣

監國攝政王面奉

隆裕皇太后懿旨度支部奏糾參內務府堂司各官一摺據稱內務府於近年款目任意浮冒開銷並杭州織造一切陋規未能革除等語實爲非是著將該承辦司員等交該衙門查取職名分別議處該堂官等失於覺察均著傳

懿旨申飭以後一切用款及工程款目總當嚴加覈實用副深宮崇

尚節儉之至意

現月

又諭世續奏假期又滿病仍未痊懇再賞假

並請派署要差一摺大學士世續向來辦事勤慎不辭勞瘁著

再賞假十五日安心調理毋庸派署假滿即行銷假

現月

又諭

楊文鼎奏查明湘省現辦公債票情形據實陳明請旨查辦一

摺著瑞澂秉公確查據實具奏毋稍徇隱原摺著鈔給閱看將

此諭令知之

寄廷

湖南巡撫楊文鼎奏湘省衡永寶三府十四

州縣行銷粵鹽仍留五縣行銷准引若准課全數向粵取償殊

不足以昭平允請將准鹽行銷五縣之額定爲一萬三千四百

十五引其餘溢銷釐課仍儘數撥歸湘省以償損失下所司議

摺包

已酉諭內閣陸軍部奏續行選擬福建等省督練公所軍

事參議官請旨派充一摺奉天教練處總辦補用道岳開先著

派充福建督練公所軍事參議官前廣東參議官道員吳錫永

著派充廣東督練公所軍事參議官前江甯參謀處總辦吳紹

璘著派充江甯督練公所軍事參議官均賞給陸軍協都統銜

奉天參謀處總辦儘先補用知府管雲臣著派充河南督練公

所軍事參議官前直隸參謀處總辦升用總兵留直儘先補用

副將陸錦著派充山東督練公所軍事參議官均賞給陸軍正

參領銜

現月

又諭有人奏粵省私賭盛行請飭實力查禁一摺

著張鳴岐按照所奏各節嚴飭所屬認真查禁務絕根株毋稍

疏縱原摺著鈔給閱看

廷寄

又諭電寄署四川總督趙爾豐據

電奏鐵路公司開會大概情形等語知道了著該署督仍遵前

旨妥慎籌辦

電寄

庚戌諭內閣都察院代遞河南京官韓葆謙

等以州縣縱匪殃民亂機日迫請飭查明辦理呈一件據稱豫

東歸德府界連直東江皖四省爲盜匪出沒之區自連遭荒歉

搶案疊出請飭各該省協力捕拏等語著陳夔龍張人駿程德

全朱家寶孫寶琦寶棻按照所陳各節飭屬迅即查拏認真究

辦以靖地方原呈著鈔給閱看

廷寄

又諭都察院代遞廣東京

官韓寅斗等以瓊州水陸交訐戕官毒民等語呈一件並條擬

治匪辦法清單一件廣東盜風素熾亟宜嚴拏懲辦著張鳴岐按照所呈各節嚴飭所屬迅即查拏認真究辦所有單開治匪辦法並著酌覈辦理原呈單均著鈔給閱看

寄廷

又諭都察院

代遞雲南京官張鍇等爲滇省內政外交日益窘迫懇恩迅賜主持呈一件著該部知道

現月

又諭電寄湖廣總督瑞澂等據

電奏本年釐定外官制派鄭孝胥等來京以備諮詢所遺湖南藩篆委署學司黃以霖暫行兼署等語知道了

寄電

甘肅新疆

巡撫袁大化奏遵籌撫恤歡洽邊庭商民以庫帑正絀不忍偏累公家請願抽捐歸補恤款下部知之

摺包

又奏省城中俄通

商局改爲交涉總局喀什噶爾伊犁兩處中俄通商局改爲交涉分局俾昭畫一而資聯絡下部知之

摺包

調陝西巡撫余誠

格爲湖南巡撫湖南巡撫楊文鼎爲陝西巡撫

現月

派陸軍礮隊第六標統帶官馬良充陸軍第九協統領官並賞陸軍協都

統銜

現月

辛亥侍讀吳士鑑奏直隸大名府以南山東曹兗沂

三府河南歸陳二府江蘇徐淮二府海州一州安徽鳳潁二府  
泗州一州民風強悍爲盜賊出沒之區五省邊境犬牙相錯此  
拏彼竄從前綠營規制有數省會哨之舉亦祇虛行故事前年  
江北大災上年皖北水患今年河南東境山東西境水災皖省  
被災尤重公私籌賑物力已窮若長此坐困小民流而爲匪恐  
亂機所發釀成心腹之患臣愚以爲今日急務莫若於數省之  
中扼要設立重鎮就各省勇猛剛鷲之民擇樸實耐勞者選募  
訓練編成一軍約在二三十營左右而以知兵大員統領之溯  
查光緒三十年冬間設立江淮巡撫江淮一省所領區域即臣  
所言江蘇徐淮各府州之地嗣以劃分省界諸多窒礙遂罷行  
省之議僅裁去漕運總督改淮陽鎮總兵爲江北提督仍駐清  
江浦除運事外一切行政皆率漕督之舊然當時所爭執者行

政上之疆域問題今臣所籌及者軍事上之疆域問題也昔之漕督駐紮清江專爲河運而設其地尙非四衝之區今改設提督宜擇數省縮轂之地移駐其間成爲重鎮徐州四通八達最爲適中其地在淮水之北宜改江北提督名爲淮北提督北可以顧直隸山東西可以制河南南可以控安徽江蘇而於江北一帶仍可兼顧因地練兵收爲我用馭桀黠驍雄之衆成中原節制之師旣以弭害亦足儲才平時於教練之外彈壓地方緝捕匪類并可與各該省督撫互相策應此事如及時布置於南北大局均有裨益查江北歲入以受協各款爲大宗有一百一十二萬零應將江北提標全行裁撤防練各營汰弱留強酌存若干即將歲出經常軍政費一百六萬臨時軍政費十六萬劃出若干俾足支用其餘騰出之饜儘數仍由原省協濟淮北提督爲添練一軍之基礎不敷若干由直隸山東河南江蘇安徽



五省督撫籌商協濟至江北歲入田賦釐捐等項約二十九萬零即專歸淮揚海道收入爲江北各項行政經費界限亦可劃

清請飭會議采擇施行得旨內閣軍諮府會議具奏

包摺

閩浙

總督松壽奏閩省新設交涉使酌定廉俸公費等項又奏籌撥巡警勸業兩道廉俸及夫役工食均下部知之

包摺

伊犁將軍

廣福奏新滿營屯地請撥歸該營自行墾種下所司議

包摺

壬

子諭內閣農工商部奏整頓棉業攙雜水泥諸弊一摺棉花爲

土貨大宗每年出口爲數甚鉅亟宜推廣銷場力圖進步乃內

地商販希圖小利往往攙雜水泥致與行銷有礙於棉業前途

所關匪細著該部妥訂檢查辦法明定罰章通行各省一律遵

辦上海爲通商巨埠尤宜加意防維著督辦稅務大臣飭由滬

關切實查驗並著南洋大臣飭上海商務總會遴選通曉棉業

人員幫同經理果能辦有成效准由該部奏明給獎以清積弊

而關利源現月又諭御前大臣面奏現在梁格莊代御前大臣

值班之御前行走乾清門行走王公等每有推諉曠班情形著由御前大臣即爲酌分輪流班次以後再有曠誤著即指名嚴

參現月又諭楊文鼎電奏鹽政處奏定劃分湘省淮粵引地一

摺內開分粵界內十四州縣凡由湖南徵收粵鹽鄰稅釐捐等

款奏咨有案者應以宣統二年收數爲斷由湖南廣東兩省會

同查明宣統二年實收之數責成粵商認繳等因湘省虧損難

堪計惟按斤抽稅以期覈實等語著度支部督辦鹽政大臣議

奏電寄又諭電寄山東巡撫孫寶琦據電奏濟南衡豐爲義善

源牽連倒閉所欠公款皆賠款軍饗立限匯解之項上海道扣

存義善源房產契據約值百萬應令趕緊交出變價劃抵東省

應解下半年賠款等語著孫寶琦會商張人駿妥籌辦理毋任

公款無著電寄農工商部奏前派司員巡歷南洋各埠茲就該

員見聞所及有亟應籌辦者三端一維持華商學堂一保護各

埠華工一優待回國商民依議行摺包現月又奏裁撤安徽礦務

總局歸併勸業道管理報聞事早調集禁衛軍及近畿各鎮於

永平附近舉行大操派軍諮大臣貝勒載濤恭代親臨總監兩

軍政治官報癸丑諭內閣皇室大典關繫重要著派溥倫載澤會

同宗人府妥慎纂擬候朕親加裁定現月郵傳部會奏遵訂鐵

路鋼軌驗收章程謹繕單繪圖呈覽依議行又奏統籌郵政

經費懇諭飭津海等六關監督認定款項七十二萬兩照數撥

給又奏購運郵政華洋物料仍照成案免稅均下所司議現月摺包

山東巡撫孫寶琦奏泰安府屬東平州修築隄堰保衛民田

其經費暫由各存款借撥下部知之摺包甲寅以虧款逃匿革

丁憂署雲南白鹽井提舉楊尙懿職並緝追摺包乙卯諭內閣

前吉林將軍銘安公忠亮直學識俱優由翰林受

三朝知遇疊掌文衡洵躋卿貳擢任吉林將軍舉凡征兵裕饗弭盜  
興學一切措施悉臻妥善尤以設民官興地利爲籌邊急務思  
深慮遠洞燭幾先在任六年苦心擘畫毅力進行獨任其難不  
避勞怨尋因病請假開缺回旗調理前以年登大耄鄉舉重逢  
特賞太子少保銜方冀克享期頤長承恩眷茲聞溘逝軫惜殊深加  
恩著賞給陀羅經被派貝子溥忻帶領侍衛十員即日前往奠  
醢晉贈太子太保銜照將軍例賜卹任內一切處分悉予開復  
應得卹典該衙門查例具奏伊孫民政部候補郎中紹蔭著以  
郎中即補以示篤念耆臣至意尋予諡文肅現月又諭李經羲  
電奏請籌辦滇桂鐵路等語著內閣會議具奏寄電丙辰諭內  
閣御史陳善同奏參疆臣一摺江蘇補用知府應德閔前經李  
經羲奏調赴滇特旨允行旋據瑞澂奏請留蘇未經照准乃程  
德全請將該員派充幕職時並未聲敘前案該員捐升道員尙

未引見又復委署藩司均屬不合江蘇巡撫程德全著交內閣  
議處江蘇布政使齊耀琳未到任以前著張人駿另行遴員奏  
署尋議降二級調用得旨著加恩改爲降二級留任現內閣

會奏擬訂弼德院參議官任用章程繕單呈覽又奏弼德院祕  
書長祕書官任用辦法依議行現甘肅新疆巡撫袁大化奏

新疆邊遠款絀人稀強鄰逼處諸部易離極宜先其所急以固  
根本再逐漸推及文明得旨所陳尙係邊省實在情形著該撫  
因地制宜酌量變通妥籌辦理惟不得因此藉口敷衍寒責以  
重要政又奏新疆籌辦新政民力維艱應加意撫綏以利民

用固民心爲本現於各項派捐已稍予遷就並經飭屬辦理墾  
荒開渠及探礦等事宜以期有益民生得旨即著該撫切實籌  
辦以闢利源摺包添鑄弼德院印信從弼德院院長榮慶等請

也摺包頒給弼德院大清會典一部現派載振陸潤庠增

祺陳寶琛丁振鐸姚錫光沈雲沛誠勳清銳朱祖謀充任弼德院顧問大臣國務大臣奕劻那桐徐世昌梁敦彥善耆載澤唐景崇蔭昌載洵紹昌溥倫盛宣懷壽耆宗人府宗令世鐸內務府大臣奎俊繼祿兼任弼德院顧問大臣以景援施愚陳雲誥恩華陶葆廉張一麟爲弼德院參議內閣法制院參議吳廷燮外務部左參議陳懋鼎學部左參議林灝深農工商部左參議誠璋兼任弼德院參議田智枚爲祕書長現月以顧重邦交賞俄國內部大臣兼首相斯篤列賓等寶星擢包丁巳諭內閣張鳴岐電奏十九日未刻水師提督李準由城外水師公所進城路經南門內雙門底地方突有匪徒在路旁用炸彈向該提督拋擲致傷右手腰際等處該提督即時力疾督率護衛弁勇上前捕拏匪仍連擲炸彈二枚並施放手槍向該提督轟擊該提督躍登屋頂與匪相持當場格斃匪徒一名拏獲一名等語覽

奏殊堪詫異廣東水師提督李準此次經受重創猶能奮不顧身親自格斃匪徒洵屬勇猛異常深堪嘉尚該提督傷勢究竟如何朝廷殊深廩系著張鳴岐傳旨慰問並賞給御藥房治傷藥品迅速發交妥爲療治俾得早日就痊仍將醫治情形隨時電奏廣東省城地方屢有匪徒轟擊大員之事足見伏莽甚多豈容任其猖獗著張鳴岐李準督飭兵警嚴密偵躡認真搜捕毋得少留餘孽免再滋生事端

現月

又諭趙爾豐電奏川路股

東會會長顏楷等爲部臣弊通分公司總理分別糾劾錄呈代奏等語原電著鈔給督辦粵漢川漢鐵路大臣郵傳大臣閱看

電寄

民政部奏擬整飭地方自治辦法依議行

早事

調民政大

臣善耆爲理藩大臣以倉場侍郎桂春署民政大臣以鑲紅旗

副都統瑞豐署倉場侍郎

現月

調荊州將軍鳳山爲廣州將軍

以理藩大臣壽耆爲荊州將軍未到任以前以荊州左翼副都

統連魁兼署

政治官報

戊午諭內閣電寄兩廣總督張鳴岐據電

奏廣東匪蹤遍境岌岌可危兵力仍虞單薄請再添勇十營專備全省策應等語著內閣會議具奏張鳴岐身任疆圉責無旁貸務當振刷精神妥籌布置所請簡員接替之處著毋庸議尋奏業經准如所請應飭按照練兵處奏定召募陸軍格式辦理其餉項仍由該督臣通盤籌畫騰挪勻撥從之 貝勒載潤等奏陸軍貴胄學堂擬添新班學生應需經費請飭部覈議籌撥下部議

現月

摺包

御史蕭丙炎奏各省府廳州縣設立審判檢察

等廳諸多窒礙請陳其略一曰人民程度不及一曰補助機關未備一曰審判人才離得一曰經費浩大難籌擬請飭部轉飭各省除省城商埠業經設立外其餘概從緩辦又奏擬請通飭各省查照奉天辦法設立特別地方審判廳均下部知之

摺包現月

兩廣總督張鳴岐奏粵省原收賭餉四百七十六萬五千七



百餘兩今因禁賭籌款抵補本年尙不敷銀一百九十六萬八  
百兩擬籌借以濟要需下部知之包摺又奏粵省匪氛甚熾現

辦清鄉擬分別異常尋常勞績給獎如所請行包摺賞重逢鄉

舉廣東南海前陝西朝邑縣知縣李廣綬加知府銜現己未

諭內閣電寄督辦賑務大臣馮煦等據電奏揚鎮常三屬沿江

各圩被水沖決秋禾多被淹沒小民困苦達於極點等語著該

大臣電商盛宣懷加籌賑款妥爲撫恤並著張人駿程德全迅

籌賑濟毋任災黎失所寄電引見創辦實業翰林院庶吉士王

鴻翔三年期滿游學畢業翰林院庶吉士陳正猷得旨王鴻翔

著授職編修陳正猷著授職檢討現引見己革直隸補用知

州前署密雲縣知縣陳雄藩已革江西餘干縣知縣何其坦得

旨原參處分情節較重均著毋庸開復現兩廣總督張鳴岐

奏已故革職廣東水師提督何長清被參冤抑懇予開復原官

以順輿情得旨何長清著開復原官

摺

庚申諭內閣張人駿

電奏江南財政危急情形請以輕息議借五百萬兩將兩次重

息借款一律還清等語著度支部迅速查明議奏

電

又諭張

鳴岐電奏提督李準傷勢無礙并連日診治情形等語知道了

電

又諭度支部奏革道交代未結私行離滬請嚴飭緝提歸

案查辦一摺革道蔡乃煌虧款一案前已有旨責成張人駿程

德全將款目清查覈實估計期限一箇月完結如逾限不清將

該革道嚴行監追該督撫等應如何認真防範迅飭清結乃竟

漫不經心致令託故遠颺實有不合著張人駿程德全務將該

革道蔡乃煌迅速拏獲嚴行監追查辦毋任再事拖延以重公

款原摺著鈔給閱看

廷

又諭電寄湖廣總督瑞澂等據電奏

請將陝西補用道王毓江調湘委用等語王毓江著准其調湘

差遣委用

電

又諭電寄河南巡撫寶棻據電奏歸陳兩屬防

務添撥軍隊布置情形等語仍著該撫督飭派出營隊認真防

緝毋稍疏虞以靖地方電寄度支部奏請撥吏部舊有衙署建

築大清總銀行從之事早黑龍江巡撫周樹模奏重繪黑龍江

全省輿圖呈覽報聞摺包調福建漳州鎮總兵馬金敘爲河南

南陽鎮總兵河南南陽鎮總兵郭殿邦爲福建漳州鎮總兵月現

以宿衛勤勞予提督銜甘肅河州鎮總兵何宗蓮等加銜升

敘有差月現辛酉諭內閣電寄署四川總督趙爾豐等盛宣懷

奏瀝陳川路情形一摺所有請飭四川總督轉飭李稷勳仍駐

宜歸暫管路事督辦大臣未接收以前勿許離工並責成該督

遵照前旨迅速會同端方將所有收款分別查明細數實力奉

行俾得按照所擬辦法早日決定等語均著照所議辦理本日

又據瑞澂端方電奏各節應由端方就近迅速會商趙爾豐懷

遵疊次諭旨妥籌辦理嚴行彈壓毋任滋生事端並將詳細情

形隨時查明電奏

寄電

內閣會奏竊維振興司法籌費爲先改

定官制汰冗爲亟查修正籌備清單各省府州縣審判廳均限於宣統四年成立現在各省庫款皆屬奇絀除省城商埠外多未舉辦惟憲政根基重在區分司法行政若因囿於款項致觀成無日實於預備憲政大有關礙再四酌度自以裁汰府城首縣提取原有款項籌設各府地方審判廳爲合宜查東三省新疆南路新設各府皆無首縣熱河舊設之承德府及貴州之思州等府向皆自管地面與各省直隸州相類刻下籌備憲政重在設一官得一官之用向者有首縣之知府止監督所屬不親民事所屬州縣遇有重要事務多徑達院司取決該府等但司勘轉例行各件循名責實不得謂非閒冗現在釐定官制須先妥籌辦法以期官無冗濫事無曠廢裁併各府首縣證之新舊法制揆之地方治理實無窒礙且有數便各省知府以不親民

事每於地方少所體驗往往於考察屬員興除利病多有隔閡  
今令兼治民事則地方蠹弊民間疾苦皆易周知其便一也近  
論治者每謂外官大則督撫小則州縣最爲重寄稱職爲難知  
府一官則謂易於充位若分任地方於振興民治甄覈人才皆  
有所益其便二也各府廉俸而外公費幕脩大都派之各屬而  
首縣陋習相沿幾專以供應本府爲事現在清理財政期於經  
用毫無虛糜供應皆爲除汰今裁去首縣予以民治則支出者  
爲必要之需供應者絕承奉之本而各省首縣支應各上司官  
署之弊自可一律裁除由督撫另定辦法不再貽累屬員其各  
首府縣向來迎送過往差使伺應院司之習亦應禁絕其便三  
也惟各府首縣例定廉俸爲數均少向資以辦公者多在錢糧  
平餘漕餘及規費等款除各省現已報明度支部者外均應令  
和盤托出不得稍有隱匿以免裁缺之後應提之款又歸無著

而此大宗款項即可撥爲設立審判廳之用其首縣衙署亦可騰出建設法庭庶各府地方審判廳即可依期成立請飭各省將各府同城首縣概行裁汰併入該府管理照直隸州辦法仍兼管屬縣提取原有款項並劃撥縣署作爲籌設地方審判廳之用迅速設立府治審判廳以飭民治而重司法依議行包摺

又奏改設內閣官報以爲公布法律命令機關酌擬條例十二條繕單呈覽依議行包摺 都察院代奏裁缺內閣中書陳震福條陳南洋各島僑民關係緊要亟應興教勸富以繫人心而杜隱患謹陳辦法其關於教育者三一恭繹

### 列朝掌故以彰

聖德二請設立中國官報以正民聽三請添置僑籍學額以示一體

關於商業者三一合辦商業銀行二組織郵船公司三推廣華商聯合會關於獎勵者一一獎勵商會之總協理與議董二獎

勵學堂之職員與學生下閣議摺包現月添鑄海軍部各司處直

隸高等審判廳印信管理前鋒護軍等營事務大臣郵傳部郵

電各總局關防事命學部左侍郎寶熙為

實錄館副總裁月現旌表仰藥殉節烈婦山東荷澤縣已故裁缺陸

軍部郎中馬毓楨之妾焦氏月現壬戌諭內閣張鳴岐奏舉劾

文武員弁一摺廣東廣州府知府嚴家熾署惠州府知府試用

知府徐書祥潮州府知府陳兆棠欽州直隸州知州覃壽堃署

瓊山縣知縣正任番禺縣知縣史允端海陽縣知縣謝質既據

該督臚陳政績均著傳旨嘉獎試用直隸州知州蔡焄熾前在

東莞縣署任內任性妄為殘民以逞試用通判王仁棠前在瓊

山縣署任內越獄重案匿不具報化州知州潤惠馭下不嚴疊

被控告揀發知州趙鶴清辦理清鄉糊塗疲玩清遠縣知縣朱

永觀瞻徇朦蔽罔恤民冤陸豐縣知縣許成熙前在開建縣署

任內偏袒差役辦事顛預興甯縣知縣馮琛乖謬性成不明事  
理教習知縣程維清前在佛山同知署任內於匪徒鬧捐恇怯  
因循毫無布置截取知縣熊範前在長甯縣署任內縱容差役  
藉端需索補用知縣凌啟瑞辦理清鄉遷延粉飾簞功澤前充  
汕頭警務長性情貪黷警政不修龔謙光清鄉不力借盜冒功  
試用知縣李在杓前在龍川縣署任內任用劣胥怠於聽斷何  
煜恆前在開平信宜縣各署任內操守難信物議繁滋魏華烈  
前充饗械所委員估修營舍工程草率試用按經歷區柏年前  
充區官暴戾橫行輿情不服縣丞陸樹銘前充佛山警務長警  
務廢弛釀成重案菱塘司巡檢陳瑩庇賭收規罔知自愛候補  
從九品姚雄輝內行多虧人言嘖嘖張鴻宜病軀戀棧心地糊  
塗試用從九品易潤章前在五斗司巡檢署任內坐視鬧捐一  
籌莫展朱振基任意誣捏借事生端花縣典史王良彝典獄疏



忽聲名平常瓊山縣典史阮宗耀脫囚無獲職守多虧候補守  
備譚世昌紀律不嚴縱勇滋事彩陽堂汛千總黃士平前在佛  
山都司署任內匪徒鬧捐不善彈壓市橋汛外委傅榮高候補  
千總前署鍾村汛把總陸汝恭裁缺井汛把總前署東圃汛外  
委羅德華均私收賄規俱著即行革職蔡垚熾黃士平均著留  
營効力以觀後效試用巡檢程起雷前充饗械所委員購買軍  
裝吞冒滋弊著革職嚴追吞款前辦石龍稅務補用知縣任玉  
樹欠解稅款任催罔應著暫行革職勒限追繳南韶連鎮總兵  
楊忠義高雷陽道榮元候補道惲學基王祖慶韶州府知府聯  
埜瓊州府知府慶斌才具平庸難資造就楊忠義榮元聯埜慶  
斌均著開缺與惲學基王祖慶一併咨送回籍電白縣知縣許  
南英前在三水縣署任內辦事不力著摘頂留省察看  
蘇巡撫程德全奏道員應德閔等才具政績爲蘇省不可多得

現江

之員請將應德閔交內閣存記童寶善等三員儘先酌補得旨

均不准行包摺以緝捕勤奮開復已革廣東水師補用副將李

世桂原官包摺以畏葸無能革廣東陽江營遊擊李清華等職

遣戍遞籍有差包摺予因公殞命廣東補用知府李象辰剿匪

陣亡守備金振邦千總馬致忠優卹包摺癸亥諭內閣電寄兩

江總督張人駿等據電奏皖南各屬復於本月十七八等日狂

風大作挾以暴雨江水陡漲巨浪疊衝濱江沿河各圩多被沖

破災情實所罕見日後籌修隄壩約計至少非五六十萬金不

辦等語皖南各屬屢被災稔小民蕩析離居殊堪憫惻即著張

人駿等妥籌撫恤毋任失所應修隄壩各工並著竭力籌措早

日修復以澹沈災寄電協辦大學士弼德院院長榮慶奏請旨

簡派大員會同承修

文廟要工得旨著毋庸添派現月御史葉芾堂奏閩省禁種罌粟業

經淨絕懇請禁運入閩以清煙毒而紓民困下部知之摺包現月

御史端謹奏中央教育會議案奇表有妨學務請飭部將該會  
初等小學停止讀經講經暨男女同學兩議案撤銷嗣後開議  
時無論會長會員再有持論奇袤者應由該部隨時開除毋得  
意存縱庇下部知之摺包以鄧廷光爲廣東南韶連鎮總兵官

現月甲子諭內閣增韞奏舉劾屬員一摺浙江仁和縣知縣沈

惟賢署石門縣試用知縣盛鴻燾山陰縣知縣增春會稽縣知

縣陳德彝署餘姚縣試用知縣丁德威調署黃巖縣太平縣知

縣胡爲和署蘭谿縣大挑知縣黃爲熊署浦江縣遂安縣知縣

李棻開化縣知縣吳寶鑑既據該撫臚陳政績均著傳旨嘉獎

候補同知路珩心地糊塗辦事草率署臨安縣補用知縣彭循

堯嗜賭若命百務廢弛署奉化縣補用知縣魏桐權柄下移行

同龔贖代理嵯縣補用知縣朱廷幹丁役弄權毫無察覺調署

甯海縣金華府通判張正芬辦事粗疏輿論不孚補用知縣吳亮詢性情迂緩玩視要公餘杭縣典史華榮光操守難信安吉縣典史王釗擅受詞訟甯波府經歷鄒應福性情卑鄙署鄞縣典史試用從九陳承言工於鑽營定海廳司獄莫踰制聲名甚壞長浦司巡檢許元藩罔知檢束代理黃巖縣典史試用巡檢戚有慶卑鄙近利均著即行革職道頭巡檢葛文濬嗜好甚深著革職永不敘用署温州府知府候補知府馮敷典才具平庸難期表率著以同知降補永康縣知縣崔釗優柔寡斷放棄職權著以府經歷縣丞降補龍游縣知縣葛錫爵年力就衰難期振作著勒令休致建德縣知縣羅文槐識見拘墟難膺繁劇著開缺另補

現

月

陸軍大臣蔭昌奏軍事司法應歸劃一各處

於習慣辦理分歧請飭照章辦理以重法權而維軍紀依議行

摺

東三省總督趙爾巽奏整頓奉省旗民各地糧租改徵國

幣擬嗣後無論旗地民地凡原分三則者上則每一畝徵國幣一角二分中則六分下則三分一律改歸民衙門徵收國幣未通行以前按前數折成庫平覈算每正銀一兩或國幣一圓加收辦公金二成不准再有補平火耗解費等名目請飭交資政院會議以重租課而歸統一下閣議摺包又奏擬設金州專額

議員一名以順輿情如所請行

摺包

實授葉景葵爲大清銀行

正監督

現月

乙丑諭內閣張人駿電奏委江蘇提法使左孝同

署布政使遞遺提法使篆務會同江蘇巡撫另行遴員接署等

語知道了

電寄

內閣奏各部則例久未纂修亟應修訂現行法

規現正遵照內閣辦事暫行章程將應奏事件分別規定另擬

章程然欲澈底劃清必整理例案釐爲法規使辦法各有一定

此修訂法規關於內閣辦事章程之實行者一也行政審判院

行將設立行政審判事件應以法令指定若法令尙未規定則

評定亦無所適從此修訂法規關於行政審判法之編訂者二也法令之形式不完必至憲法行而舊日奏案難於適用窒礙因以環生此修訂法規關於憲法之施行者三也請飭各衙門編纂現行法規各就主管事務酌量分類冠以各項法令名稱又擬請嗣後京外各衙門除現應循例奏報事件外所有關於法令性質應具奏請旨者無論新定辦法或改定辦法係特交內閣會議事件及內閣主管事件或內閣總協理大臣認為應以法令規定事件由內閣法制院撰擬其屬於一部主管或他部兼管者由各該部分別擬具草案逐款臚列定爲條文冠以法律條例章程規則等名稱咨送內閣由法制院審查覆覈具奏依議行

摺包  
現月

郵傳部奏定期接收驛站并擬隨時變通辦

理又奏各衙門由郵報處往來文件照章納費均報聞

早湖

南巡撫楊文鼎奏准粵劃分引界後湘省應徵粵鹽釐稅等款

擬按粵鹽之銷數定湘省之收款下所司議  
摺包護理山西巡撫布政使王慶平奏義國贈前任山西巡撫丁寶銓寶星可否准其佩帶得旨准其收受佩帶

摺包  
隨手

大清宣統政紀卷三十七